

Akileraaruserinermik ingerlatsineq pillugu Inatsisartut inatsisaat pillugu Namminersorlutik Oqartussat nalunaarutaat

Matumuuna Akileraaruserinermik ingerlatsineq pillugu Inatsisartut inatsisaat nr. 11, 2. november 2006-imeersoq, akileraaruserinermik ingerlatsineq pillugu Inatsisartut inatsisaat nr. 3, 26. april 2007-imeersumi, akileraaruserinermik ingerlatsineq pillugu Inatsisartut inatsisaat nr. 12, 15. november 2007-imeersumi, akileraaruserinermik ingerlatsineq pillugu Inatsisartut inatsisaat nr. 10, 5. december 2008-meersumi, akileraaruserinermik ingerlatsineq pillugu Inatsisartut inatsisaat nr. 2, 18. maj 2010-meersumi, akileraaruserinermik ingerlatsineq pillugu Inatsisartut inatsisaat 14, 22. november 2011-meersumi, akileraaruserinermik ingerlatsineq pillugu Inatsisartut inatsisaat nr. 9, 8. juni 2014-imeersumi, akileraaruserinermik ingerlatsineq pillugu Inatsisartut inatsisaat nr. 8, 6. juni 2016-imeersumi, akileraaruserinermik ingerlatsineq pillugu Inatsisartut inatsisaat nr. 32, 28. november 2016-imeersumi, akileraaruserinermik ingerlatsineq pillugu Inatsisartut inatsisaat nr. 11, 1. juni 2017-imeersumi aamma akileraaruserinermik ingerlatsineq pillugu Inatsisartut inatsisaat nr. 38, 28. november 2019-imeersumi allannguutitalinni nalunaarutigineqarpoq.

Immikkoortoq I

Ingerlatsinerup aaqqissuuussaanera aamma suliassat

Kapitali 1

Akileraaruseriffik

§ 1. Akileraaruseriffiup akileraarutit, matumani aamma toqqaannartumik toqqaannanngitsumillu akileraarutit pillugit inatsisit ingerlappai.

Kapitali 2

Akileraarusiinernik aalajangiisartut

§ 2. Akileraaruseriffiup akileraarutit pillugit inatsisinut tunngasuni aalajangiineri pillugit naammagittaalliuutit akileraarusiinernik aalajangiisartut alajangiiffigisarpai.

Imm. 2. Imm. 1-imik aalajangersagaq apeqqutaatinngagu akileraarutit pillugit inatsisit naapertorlugit pineqaatissiinernut arsaarinninnernulluunniit tunngasut akileraarusiinermik aalajangiisartut naammagittaalliuutigineqarsinnaanngillat.

Imm. 3. Imm. 1-imik aalajangersagaq apeqqutaatinngagu apeqqutit suliarinninnermut tunngasut

akileraaruseriffiup aalajangiiffisai tassungalu atatillugu allagaatinik takunnissinnaanermut tunngasut Akileraarusiinernik aalangiisartunut naammagittaalliuutigineqarsinnaanngillat.

§ 3. Akileraarusiinermik aalajangiisartut arfineq-marlunnik ilaasortaqarpoq.

Imm. 2. Akileraarusiinermik aalajangiisartut siulittaasua Naalakkersuisunit toqqarneqartarpooq.

Siulittaasup akileraartarnermut maleruagassanik paasisimasaqassusia, taassumalu allatigut ilisimaneqaataa toqqaanermi pingaartillugit isiginiarneqassapput.

Imm. 3. Akileraarusiinermik aalajangiisartut ilaasortai allat arfinillit taakkualu tamarmik immikkut sinniisussaat SIK-p, AK-p, GE-p, NUSUKA-p, KNAPK-p aamma kommunit peqatigiillutik inassuteqareernerisigut Naalakkersuisunit toqqarneqartarput. Kattuffik Naalakkersuisunut inassuteqaateqanngippat ilaasortaq taassumalu sinniisussaa Naalakkersuisunit toqqarneqassaaq.

Imm. 4. Ilaasortat piffissami ukiunik sisamanik sivisussuseqartumi atuuttarput. Piffissaq atuuffissaq siulleq 1. januar 2007-imi aallartissaaq.

§ 4. Akileraarusiinermik aalajangiisartut aalajangissavaat ilaasortaq suliaminik isumaginninnissamut piukkunnassuseqannginnersoq, ilaasortaq:

- 1) nammineerluni nalunaarsuiffimmik, taassuma ataani aamma ingerlatsinermut naatsorsuutinik, imaluunniit akileraarutit pillugit nalunaarummik piffissaagallartillugu nassiussismanngippat,
- 2) akileraarutinik, taassuma ataani aamma akileraarutinik B-nik, akileraarutit sinnerinik akiligassaasinnaasunik aamma akitsuutinik piffissaagallartillugu akiliisimanngippat,
- 3) akileraarutinik A-nik unerartitsisussaanerminik sumiginnaappat, akileraarutit A-t pillugit nassuaatinik sukumiisunik piffissaagallartillugu nassiussismanngippat imaluunniit akileraarutinik A-nik unerartitanik piffissaagallartillugu akiliisimanngippat, imaluunniit
- 4) akileraarutit pillugit inatsisinik unioqqutitsisimanerminik nassuerpat imaluunniit pillaammik akiliisussanngortinnejarpat.

Imm. 2. Naalakkersuisut aalajangissavaat ilaasortaq, pissutaasut imm. 1-imi taaneqartunit allaasut piissutigalugit suliaminik isumaginninnissamut piukkunnassuseqannginnersoq, taassuma ataani ilaasortaq Kalaallit Nunaanni pinerluttulerinermi inatsit naapertorlugu pineqaatissinneqarpat.

Imm. 3. Ilaasortaq suliaminik isumaginninnissamut piukkunnassuseqanngitsutut isigineqartoq Akileraarusiinernik aalangiisartuni ilaasortaajunnaassaaq.

Imm. 4. Akileraarusiinermik aalajangiisartuni ilaasortaq ilaasortaajunnaarnissaminik qinnuteqarpat Naalakkersuisut akuersissuteqarsinnaapput, ilaasortap suliamik suliaqarunnaarumalluni kissaataa soorlu peqqinngissuteqarneranik, pisortanik sullissinermik allamik isumagisaqarneranik, niuerneranik assigisaannilluunniit piissuteqartumik tunngavissaqavippat.

Imm. 5. Akileraarusiinermik aalajangiisartuni ilaasortaq ilaasortaajunnaarpat piffissap atuuffiusup sinnerani Akileraarusiinernik aalangiisartuni ilaasortassamik nutaamik, § 3, imm. 2-mi 3-milu maleruagassat naapertorlugit toqqaasoqassaaq.

§ 5. Akileraarusiinermik aalajangiisartuni ilaasortat siulittaasup tulliatut siullertut aappaattullu akornaminni toqqaassapput.

Imm. 2. Akileraarusiinermik aalajangiisartut aalajangiisinnanngillat siulittaasoq siulittaasulluunniit tullia ataaseq arlaat peqataanngippat.

Imm. 3. Akileraarusiinermik aalajangiisartut aalajangiisinjaassappat Akileraarusiinermik aalajangiisartuni ilaasortaasa, taakkualuunniit sinniisussaasa minnerpaamik affaat aalajangiinermi peqataassapput.

Aalajangiineq amerlanerussuteqarnikkut pissaaq. Taasisut amerlaqatigiippata siulittaasup imaluunniit siulittaasoq aalajangiinermi peqataanngippat siulittaasup tulliata siulliup, taasinera aalajangiisuussaaq. Siulittaasoq imaluunniit siulittaasup tullia siulleq aalajangiinermi peqataanngippata taasisullu amerlaqatigiippata siulittaasup tulliata aappaata taasinera aalajangiisuussaaq.

Imm. 4. Akileraarusiinermik aalajangiisartut immikkoortunut aalajangiisartunut minnerpaamik pingasunik ilaasortaqaqtunut agguataarnissani aalajangersinnaavaa, taakkunani ilaasortat ilaat tassaassalluni siulittaasoq imaluunniit siulittaasup tullia ataaseq. Suliassap akileraaruserinermik aalajangiisartut tamarmiusumut saqqummiunneqarnissaa akileraarusiinermut aalajangiisartut ilaasortap kialluunniit piumasarisinjaavaa.

Imm. 5. Immikkoortoq aalajangiisartoq aalajangiisinjaassappat ilaasortat minnerpaamik pingasut aalajangiinermi peqataassapput. Aalajangiinermi taasisut amerlaqatigiippata akileraarusiinermik aalajangiisartut tamarmiusut aalajangiissapput.

Imm. 6. Akileraarusiinermut aalajangiisartut sulinermini najoqquqtaassai Naalakkersuisunit aalajangersarneqassapput.

Imm. 7. Akileraarusiinermut aalajangiisartut allattoqarfekarnissaa Naalakkersuisut isumagissavaat. Allattoqarfik sulinermini Naalakkersuisunut attuumassuteqanngilaq.

Kapitali 3

Piginnatitaaneq, nipangiussisussaatitaaneq il.il.

Imminnut piginnatinnerat

§ 6. Suliassami aalajangiiffigisassami pineqartup assinga akileraarusiinermut aalajangiisartunit aalajangiiffigineqareersimappat akileraaruseriffik suliassami aalajangiisinjaanngilaq.

Attuumassuteqannginnissaq

§ 7. Akileraaruseriffimmi sulisuuosoq akileraarusiinermut aalajangiisartutut ilaasortaasinnaanngilaq sinniisussaasinnaananiluunniit.

Kommunalbestyrelsit

§ 8. Kommunalbestyrelsit suliassanik, innuttaasunut ilitsersuinertut ittunik aamma ingerlatsinermut tunngasunik assigisaannik, akileraaruseriffiullu § 1 naapertorlugu suliassaanut ilaasunik isumaginninnissaat pillugu maleruagassat Naalakkersuisunit aalajangersarneqarsinnaapput.

Nipangiussisussaatitaaneq aamma paasissutissanik ingerlatitseqqiineq

§ 9. Akileraaruseriffimmi sulisuuusut aamma akileraarusiinermut aalajangiisartuni ilaasortat taakkualu sinniisussaat paasissutissat inuup inatsisilluunniit malillugit inuttut isigineqartup aningaasarsiorneranut,

inuussutissarsiorneranut imaluunniit inuup namminerisaminik inuuneranut tunngasut, suliaminnik isumaginninnermikkut ilisimalikkatik, Kalaallit Nunaanni pinerluttulerinermi inatsimmi § 29 malillugu akisussaallutik susassaqanngitsut tungaannut nipangiulluinnartussaavaat. Pisussaaffik aammattaaq atuuppoq suliamik paasisimasalittut ikiortaasunut kiisalu kikkunnulluunniit, pisortanut isumaqatigiissuteqarneq naapertorlugu sulisinneqarnermikkut pissutsinik taamaattunik ilisimasaqalersunut. Isumaqatigiissut pisortatut oqartussaasunut suliffeqarfimmulluunniit isumaqatigiissutaasimappat pisussaaffik oqartussaasumi suliffeqarfimmiluunniit sulisunut, pissutsinik qulaani taaneqartutut ittunik ilisimannilersunut tamanut atuuppoq.

§ 10. Katissimallutik appariit aamma katissimallutik appariissimagaluarlutik avissimasut tamarmik immikkut periarfissaqarput katissimallugu nammineq apparisallu nammineerluni nalunaarsuiffusoq imarisai aamma aningaasarsiaasa angissusilerneqarneri pillugit paasissutissanik akileraaruseriffimmut saaffiginninnermikkut paasitinneqarnissamut.

Immikkoortoq II

Suliassat suliarineqarnissaat pillugu maleruagassat

Kapitali 4

Suliamik saqqummiussissut aamma aalajangiissamaarneq pillugu allakkat

Suliamik saqqummiussissut

§ 11. Suliamik saqqummiussissut suliarineqassaaq aalajangiinerni,

- 1) akileraarusiinermut aalajangiisartunut saqqummiunneqartuni.
- 2) siusinnerusukkut angissusiliinernik allannguinermut tunngasuni.
- 3) akileraartarnermut inatsisit naapertorlugit pineqaatissiissuteqarnermut tunngasuni.

Imm. 2. Imm. 1, nr. 2-mi aalajangersagaq atorneqassanngilaq suliamut attuumassuteqartut qinnuteqarnerat malillugu aalajangiisoqartillugu, aammalu qinnutigineqartoq akileraaruseriffiup tamakkiisumik akuerisinnaappagu, imaluunniit akileraaruseriffiup aammalu suliamut attuumassuteqartut aalajangiineq isumaqatigiissutigippassuk.

Imm. 3. Suliamik saqqummiussissut, suliassami pissutsit piviusut aalajangiinissami pingaartinniarneqartut pillugit paasissutissanut tunngasumik nassuaatitaqassaaq. Aammattaaq paasissutissat taakku, akileraaruseriffiup naliliineratigut aalajangiinermik taassuminnga kinguneqartut tunngavilersuutaat, pisortat ingerlatsineranni suliassat suliarineqartarnerat pillugu Inatsisartut inatsisaat malillugu tunngavilersuinissamut piumasaqaatinik naammassinnittut paasissutissiissutigineqassapput.

Imm. 4. Suliamik saqqummiussissut, akissuteqarnissamut piffissaliilluni tusarniaalluni allakkap ullulerneqarneranit, suliamut attuumassuteqartut akuersiseqqaarnagit sap.ak. sisamanit sivikinnerusinnaanngitsoq piffissaliullugu suliamut attuumassuteqartunut oqaaseqaateqarfigisassanngorlugu nassiunneqassaaq, piffissaliussaq alla inatsisini

aalajangersarneqarsimannngippat. Akissuteqarnissamut piffissaliussap nalunaarutigineqartup sivitsorneqarnissaal sulihamut attuumassuteqartunit qinnutigineqarpak akileraaruseriffik sivitsuisinnaavoq.

Imm. 5. Imm. 4 naapertorlugu tusarniaasoqarpak akileraaruseriffiup sulihamut attuumassuteqartunut nalunaarutigisinnavaa suliamik saqqummiussissut tunngavigalugu aalajangiinissaq, piffissaliussap erseqqinnerusumik taaneqartup tusarniaalluni allakkap ullulerneqarneraniit, sulihamut attuumassuteqartut akuersiseqqaarnagit sap.ak. sisamanit sivikinnerusinnaanngitsup ingerlanerani allakkatigut oqaasiinnakkullunniit tunngavilersukkamik akileraaruseriffimmut akerliliissuteqarlutik oqaaseqaateqanngippata suliamik saqqummiussissummi allassimasutuut aalajangiisoqassasoq, piffissaliussaq alla inatsisini aalajangersarneqarsimannngippat. Aalajangiinissaq akerliuffigalugu allakkatigut oqaasiinnakkullunniit oqaaseqaateqarnissamut piffissaliussap sivitsorneqarnissaal sulihamut attuumassuteqartunit qinnutigineqarpak akileraaruseriffik sivitsuisinnaavoq, piffissaliussaq inatsisini aalajangersarneqarsimannngippat. Suliamut attuumassuteqartut piffissaliussaq qaangiutsinnagu oqaaseqaateqanngippata, aalajangiineq kaleriunneqareersutuut ilisimatitseqqeqluaanngikkaluarluni pisinnaavoq.

Imm. 6. Aalajangiiffigineqartussap allannguutigitinniakkat ilisimalerunigit akileraarutissaminik akiliinngitsoorniarnissaal qularnaappat ilimanaateqarpallu akileraaruseriffik piffissaliussamik imm. 4-mi 5-imilu aalajangersarneqartumit sivikinnerusumik aalajangiisinnaavoq. Piffissaliussaq suliamut attuumassuteqartut suliamik saqqummiussissummik tigusaqarneranniit ullunit pingasunit sivikinnerusinnaanngilaq.

Aalajangiissamaarneq pillugu allakkat

§ 12. Akileraaruseriffik nammineerluni nalunaarsukkanit imaluunniit nalunaarutigisanit allaasumik tunngaveqarluni akileraarutinik angissusiliinissamik aalajangiissamaarpak, suliamut attuumassuteqartut allakkatigut ilisimatinneqassapput. Tamanna aamma atuutissaaq angissusiliinissaq missingersuinikkut pissappat. Ilisimatitsineq pisortat ingerlatsineranni suliassat suliarineqartarnerat pillugu Inatsisartut inatsisaat malillugu ingerlatsinermi aalajangiinermut tunngavilersuinissamut piumasaqaatinik naammassinnissaq.

Imm. 2. Suliamut attuumassuteqartut tassunga ilutigitillugu ilisimatinneqassapput, pineqartut aalajangiinissaq akerliuffigalugu, piffissaliussap erseqqinnerusumik taaneqartup tusarniaalluni allakkap ullulerneqarneraniit, pineqartut akuersiseqqaarnagit sap.ak. sisamanit sivikinnerusinnaanngitsup ingerlanerani allakkatigut oqaasiinnakkullunniit tunngavilersukkamik akileraaruseriffimmut oqaaseqaateqanngippata aalajangiinissaq kaleriunneqareersutuut ilisimatitseqqeqluaanngikkaluarluni pissasoq, piffissaliussaq alla inatsisini aalajangersarneqarsimannngippat. Suliamut attuumassuteqartut piffissaliussaq qaangiutsinnagu oqaaseqaateqanngippata, aalajangiineq kaleriunneqareersutuut ilisimatitseqqeqluaanngikkaluarluni pisinnaavoq.

Imm. 3. Aalajangiineq suliamut attuumassuteqartut qinnuteqarnerat malillugu pippat, aammal u qinnutigineqartoq akileraaruseriffiup tamakkiisumik akuerisinnaappagu, imaluunniit akileraaruseriffiup aammal u suliamut attuumassuteqartut aalajangiineq isumaqatigiissutigippassuk imm. 1-imi 2-milu taaneqartutuut ilisimatitsinissaq pinngitsoortinnejqarsinnaavoq.

Aningaasarsianit akileraarutit pillugit suliassat suliarineqartarneri

Kapitali 5

Siumoortumik nalunaarsuineq, nammineerluni nalunaarsuineq il.il.

Siumoortumik nalunaarsuineq

§ 13. Akileraarutaagallartussat akilerneqarnissaannut tunngavissaq akileraaruseriffiup siumoortumik nalunaarsuinermi aalajangersassavaa.

Imm. 2. Siumoortumik nalunaarsuineq akileraartussaatitaasup aningaasarsiornikkut atugarisai pillugit paasissutissat kingullermik akileraarusiinermi siumoortumilluunniit nalunaarsuinermi tunngavigineqarsimasut naapertorlugit suliarineqassaaq. Akileraartussaatitaasut imaluunniit akileraartussaatitaasut immikkoortui tamarmik aningarsiaannut tunngasut akileraaruseriffiup procentinngorlugit qaffassinnaavai imaluunniit apparlugit.

Imm. 3. Akileraartussaatitaasup ukiumi aningaasarsiorfiusumi aningaasarsiatigut atugarisassai kingullermik akileraarusiinermi siumoortumilluunniit nalunaarsuinermi tunngavigineqarsimasunit allaanerungaatsiarnissaat paasissutissat pigineqartut tunngavigalugit ilimagineqarsinnaappat, akileraaruseriffiup siumoortumik nalunaarsuineq aningaasarsiornikkut atugarissangatitat missiliuunneqartut tunngavigalugit suliarisinnaavaa.

Imm. 4. Akileraartussaatitaasup ukiumi aningaasarsiorfiusumi aningaasarsiatigut atugarisassai kingullermik akileraarusiinermi siumoortumilluunniit nalunaarsuinermi tunngavigineqarsimasunit allaanerungaatsiarnissaat paasissutissat pigineqartut tunngavigalugit ilimagineqarsinnaappat, akileraaruseriffiup siumoortumik nalunaarsuineq aningaasarsiornikkut atugarissangatitat missiliuunneqartut tunngavigalugit ukiup aningaasarsiorfiusup ingerlanerani allanngortissinnaavaa.

Imm. 5. Imm. 3 aamma 4 malillugit aalajangiinissani akileraaruseriffiup akileraartussaatitaasoq nassuaateqaqqusinnaavaa.

Imm. 6. Akileraartussaatitaasoq siusinnerusukkut akileraarusiiffigineqarsimanngippat imaluunniit siumoortumik nalunaarsuiffigineqarsimanngippat akileraartussaatitaasoq aningaasarsiornikkut atugassarissangasanii pillugit nassuaateqassaaq. Akileraartussaatitaasup paasissutissiissutaasa siumoortumik nalunaarsuinermi qanoq annertutigisumik tunngavigineqarnissaannut qanoq missingersersuineq apeqquataassaaq.

Imm. 7. Nassuaatit imm. 5-imi 6-imilu taaneqartut qanoq ittuunissaannut imaqrnissaannullu maleruagassat Naalakkersuisut aalajangersassavaat. Aammattaaq nassuaatip imm. 6-imi taaneqartup tunniunneqarnissaanut piffissarititaq pillugu maleruagassat Naalakkersuisut aalajangersarsinnaavaat.

Imm. 8. Akileraarutit, matumanittaqaq ilaatigut akileraarutissat sinneri, tapiliussat, akitsuutit aammalu erniat, ukiumi akileraarusiiffimmi imaluunniit tulliani siumoortumik akileraarutaagallartunut ilanngullugit akileqquneqarnissaannut maleruagassanik Naalakkersuisut aalajangersaasinnaapput. Tamatumuuna siumoortumik akileraarutit akileriigassaagaluit ernialersorneqartarnerannut taarsiullugu akileraarutaagallartunut ilanngullugit tapiliussat akileqquneqarsinnaanerat Naalakkersuisut aalajangersarsinnaavaat.

§ 14. Akileraartussaatitaasup ukiumi aningaasarsiorfiusumi aningaasarsiornikkut atugassami kingullermik akileraarusiinermi imaluunniit siumoortumik nalunaarsuinermi tunngavigineqarsimasunit allaanerungaatsiarnissaat ilimagiguniuk, akileraartussaatitaasup qinnutigisinnavaa aningaasarsiariissangasan pillugit paassisutissiissutini tunngavigalugit siumoortumik nalunaarsuisoqassasoq. Akileraartussaatitaasup qinnuteqaammini paassisutissiissutai naammattumik qularnaallisarneqarsimasutut akileraaruseriffimmit isumaqarfingineqarpata, qinnuteqaat siumoortumik nalunaarsuinermi tunngavigineqassaaq. Qinnuteqaatip qanoq ittuunissaanut imaqarnissaanullu maleruagassat Naalakkersuisut aalajangersarsinnaavaat, kiisalu tunniunneqarnissaanut piffissarititaq aalajangersarsinnaallugu.

Imm. 2. Siumoortumik nalunaarsukkat siunissami akileraarnissamut sunniutilimmik allanngortinneqarnissaat akileraartussaatitaasup, piumasaqaatit imm. 1-imi taaneqartut tunngavigalugit ukiup aningaasarsiorfiusup ingerlanerani piumasarisinnaavaa.

§ 15. Akileraarutaagallartutut akiliutaareersimasut akileraarutissavinnit 5.000 koruuninik imaluunniit taakkunannga amerlanerussappata, akileraaruseriffiup isumaa naapertorlugu akiliutaavallaarsimasut akileraartussaatitaasup qinnuteqarneratigut piaartumik utertinneqassapput. Taamatut utertitsinermi akileraartussaatitaasoq ajunngitsorsiaqartinneqaranilu erniasiaqartinneqassanngilaq.

Imm. 2. Imm. 1 naapertorlugu utertitsinissamik qinnuteqaat nammineerluni nalunaarsuiffiup akileraaruseriffimmit tiguneqarneraniit kingusinnerpaamik qaammatip ataatsip qaangiunnerani akileraaruseriffimmut saqqummiunneqassaaq. Qinnuteqaatip qanoq isikkoqarnissaanut imaqarnissaanullu maleruagassat Naalakkersuisut aalajangersarsinnaavaat.

Imm. 3. Akileraartartup inuttut atukkagitut annertuumik naatsorsuutiginingisamik eqquaasimappat, aningaasanik imm. 1-imi taaneqartunit ikinnerusunik utertoorutissaqarpat, akileraaruseriffiup qinnuteqartoqartillugu akuersissuteqarfingisinnavaa.

Nammineerluni nalunaarsuineq

§ 16. Akileraaruseriffiup nammineerluni nalunaarsuiffissat ukiup aningaasarsiorfiusup qaangiunnerani akileraartussaatitaasunit piaartumik tiguneqartussanngorlugit akileraartussaatitaasunut tamanut nassiussussavai.

Imm. 2. Akileraartussaatitaasup nammineerluni nalunaarsuiffissamik nassinneqanngitsoornera akileraartussaatitaasup nammineerluni nalunaarsuiffimmik nassiussinissaanut pisussajunnaarsitsinngilaq.

Imm. 3. Nammineerluni nalunaarsuiffik akileraaruseriffimmut nassiunneqassaaq ukiumi ukiup aningaasarsiorfiup tulliani, kingusinnerpaamillu:

- 1) kinguliani nr. 2-mi 3-milu pineqanngitsuni tamatigut 1. maj:
- 2) namminersorluni inuussutissarsiummik ingerlataqartunit, akileraaruseriffiup ilitsersuinera malillugu elektroniskiusumik nammineerluni nalunaarsuiffimmik alunaarutiginnittut 15. maj,
- 3) piginneqatigiiffit, peqatigiiffit il.il., akileraaruseriffiup ilitsersuinera malillugu elektroniskiusumik nammineerluni nalunaarsuiffimmik nalunaarutiginnittut 15. juni.

Imm. 4. Namminersorluni inuussutissarsiummik ingerlataqartut, piginneqatigiiffit peqatigiiffillu imm. 3, nr. 2 amma 3-milu pineqartut, ukiup aningaasarsiorfiup siuliani akileraaruseriffimmit missingersuinikkut

akileraarutissaminnik angissusiliiffigineqartut nammineerluni nalunaarsuiffimmik nassiuassinissamut piffissaraat ulloq 1. maj.

Imm. 5. Inuit ataasiakkat nammineerluni nalunaaruteqarnissamut pisussaaffeqartut, nammineerluni nalunaarsuinermi immersugassamik akileraaruserivimmit immersoriigaasumik tigusaqartut, nammineerluni nalunaarusiamik nassitsinngissinnaapput, paassisutissat atorneqarsimasut eqqortuullutillu tamakkiisuuppata, § 17 naapertorlugu. Nammineerluni nalunaarsuiffimmik nassiuassinissamik kinguartitsiniarluni qinnuteqaat tunngavilersugaassaaq, kingusinnerpaamillu ullormi nammineerluni nalunaarsuiffiup nassiuunneqarfissaani tunniunneqarsimassalluni, tak. imm. 3-miit 4-mut.

Imm. 6. Immikkut pissutissaqartillugu akileraaruseriffik nammineerluni nalunaarsuiffimmik nassitsinissap kinguartinneqarnissaanik akuersissuteqarsinnaavoq, tamanna akileraarusiilluni sulinerup aaqqissuunneqarneranut piffissarlu eqqortlugu naammassineqarnissaanut akornutaanngippat.

Imm. 7. Nammineerluni nalunaarsuiffissap qanoq isikkoqarnissaanut nassiussornissaanullu maleruagassat Naalakkersuisut aalajangersarsinnaavaat, aammattaaq immersugassat Naalakkersuisut akuerisaasa akileraartussaatitaasunit qanoq atorneqarnissaannut maleruagassat Naalakkersuisut aalajangersarsinnaavaat.

§ 17. Akileraartussaatitaasup ukiumi aningaasarsiorfimmi aningaasarsiani, aningaasarsiat nul-imit annerrupata minneruppataluunniit, nammineerluni nalunaarsuummi nalunaarutigissavai. Aningaasarsiat akissaajaatinik ilanngariikkat qanoq atsiginerisa oqaatigineqarnerata saniatigut nammineerluni nalunaarsuutip imarissavai aningaasarsiat akissaajaatillu paasissutissallu allat akileraarutit angissusilerneqarnissaannut pingaarutillit immikkoortitaarneri Naalakkersuisunit aalajangersarneqartut. Aningaasarsiattaaq aningaasarsiat akileraaruteqaataasussat naatsorsornerannut ilanngunneqartussaanngitsut nammineerluni nalunaarsuummi immikkoortitaarlugit allanneqarnissaat piumasarineqarsinnaavoq. Akileraartussaatitaasut ulluinnarni naatsorsuusiortussaatitaanngitsut nammineerluni nalunaarsuinerminnut atatillugu paasissutissanik ulluinnarni atuinermanni akissaajaataanerusunut, matmani aamma namminerisamik (privativik) ikiorteqarnermut, pequtinut annerusunut assigisaannullu akissaajaataasimasunut tunngasunik nalunaaruteqarnissaat pillugu maleruagassat Naalakkersuisut aalajangersarsinnaavaat.

Imm. 2. Aammattaaq nammineerluni nalunaarsuut akileraartussaatitaasup ukiup aningaasarsiorfiup naanerani, aammalu siornatigut nammineerluni nalunaarsuutaasimasumi takuneqarsinnaanngippat ukiup aningaasarsiorfiup aallartinnerani pigisanut tunngatillugu paasissutissanik imaqassaaq. Pigisat nalunaarutigineqassapput, taakku nul-imit annerrupata minneruppataluunniit, aammalu pigisat akiitsullu Naalakkersuisut aalajangersaanerattut immikkut ersersillugit nalunaarutigineqassallutik.

Imm. 3. Akileraartussaatitaasut ulluinnarni naatsorsuusiortussaatitaasut nammineerluni nalunaarsuummut peqatigitillugu nassutissavaat ukiumi aningaasarsiorfimmi ingerlatsinermut naatsorsuutit ukiullu aningaasarsiorfiup naanerani pigisat akiitsullu, taamatullu aamma siornatigut nammineerluni nalunaarsuutaasimasumi takuneqarsinnaanngippata ukiup aningaasarsiorfiup aallartinnerani naatsorsorneqarfii.

§ 18. Inuuussutissarsiummik ingerlatsisut naatsorsuusiorneq pillugu inatsisit malillugit naatsorsuusiortussaanngitsut naatsorsuutinik, piumasarineqartunik minnerpaanik Naalakkersuisunit aalajangersagaasunik naammassinnittussanik suliaqarnissaannut, aammalu naatsorsuutit taakku

tunngavigalugit ingerlatsinermut naatsorsuusianik, nammineerluni nalunaarsuutip nassiunneqarnissaanut piffissarititap qaangiutninginnerani akileraaruseriffimmut nassiuussinissaannut maleruagassat Naalakkersuisut aalajangersarsinnaavaat.

Imm. 2. Ingerlatsinermut naatsorsuutit taakku imm. 1 imaluunniit § 17, imm. 3 malillugu akileraaruseriffimmut nassiunneqartussat suliarineqarnissaannut maleruagassat Naalakkersuisut aalajangersarsinnaavaat.

Imm. 3. Ingerlatsinermut naatsorsuutit piffissaagallartillugu nassiunneqanngippata imaluunniit maleruagassat imm. 1 aamma 2 malillugit aalajangersarneqarsimasut naapertorlugit suliarineqarsimannngippata § 19, imm. 1-imi maleruagassat taamatuttaaq atuutissapput.

Imm. 4. Akileraartussaatitaasup imm. 1-imi aalajangersagaq malillugu naatsorsuusiortussaatitaasup naatsorsuutit taakkualu tunngavii (bilagii) ukiup naatsorsuusiorfiup pineqartup naaneraniit ukiuni tallimani paarissavai.

Imm. 5. Akileraaruserinermik ingerlatsineq pillugu Inatsisartut inatsisaanni nr. 11, 2. november 2006-imeersumi § 35 a naapertorlugu malittarisassat atuutsinneqartut malillugit paasissutissanut nalunaarutigineqartusanut tunngavigineqartoq, tassungalu ilanggullugu paasissutissat nalunaarutigineqartussaatitaanersut paasiniarneqarnissaanni atorneqartussatut paasissutissat § 35 a naapertorlugu malittarisassat atuutsinneqartut malillugit nalunaaruteqartussaatitaanermut piffissaritinneqartup naaneranit ukiuni tallimani paarineqartassapput.

§ 18 a. Nioqqtissanik tunisaqarnermi imaluunniit sullissinermi akiligassat allagartaannik suliaqartarnissamik piumasaqaatit Naalakkersuisut maleruagassiuussinnaavaat, matumani aamma akileraarutitigut ilanngaateqarnissap, akiligassat allagartaat pillugit piumasaqaatit annertuumik sumiginnarneqartillugit akileraaruseriffimmit itigartitsissutigineqarsinnaanera pillugu aalajangersakkat aalajangersarsinnaallugit

§ 19. Nammineerluni nalunaarsuisussaatitaasup nammineerluni nalunaarsuut pissusissamisoortoq piffissaagallartillugu nassiussimannngippagu, akileraarutissat nammineerluni nalunaarsuummik nassiussinissamut piffissaliussap ullormik ataatsimik qimmorneqarneri tamaasa 200 kr.-inik qaffanneqassapput, taamaattorli inunnut tunngatillugu katillugit annerpaamik 2.000 kr.-inik, aammalu namminersorlutik inuussutissarsiutinik ingerlataqartunut kiisalu inatsisit naapertorlugit inuttut isigineqarsinnaasunut tunngatillugu katillugit annerpaamik 5.000 kr.-inik.

Imm. 2. Immikkut pissutissaqartillugu akileraaruseriffiup qaffaammik imm. 1-imi taaneqartumik tamakkiisumik ilaannakortumilluunniit qaffaasoqannginnissaa nalunaarutigisinnaavaa

Imm. 3. Selskabip imaluunniit peqatigiiffiup ilaallu ilanggullugit naatsorsuutit, piffissami nassiusiviusumi suli ataatsimeersuartunit akuerineqanngitsut nammineerluni nalunaarsuummut ilanggullugit nassiussimappagit, ataatsimeersuartoqarnerata kingornagut kingusinnerpaamik ullut 14-it qaangiunnerisigut akileraaruseriffik nalunaarfingeqassaaq ataatsimeersuartut naatsorsuutit pineqartut pillugit aalajangiinerannik. Nalunaarut piffissaagallartillugu nassiunneqanngippat, aammalu aningaasarsiat akileraarutissat naatsorsorneqarfisa qaffanneqarnissaat ataatsimeersuartut aalajangiinerisa kingunerippassuk, selskabit akileraarutaannut qaffaat taakkununnga naapertuttoq imm. 1-imi maleruagassat naapertorlugit naatsorsorneqartunik taperlugu akiligassiissutigineqassaaq.

§ 20. Naalakkersuisut misiligutitut aalajangersinnaavaat kommunimi ataatsimi arlaqartuniluunniit akileraartussaatitaasut kikkuuneri erseqqinnerusumik aalajangersagaasut nammineerluni nalunaarsummik nassiuissisanngitsut.

Imm. 2. Akileraartussaatitaasut misiligummi imm. 1-imi taaneqartumi pineqartut aningaasarsiat akileraaruteqaataasussat pillugit nalunaarummik ukiumi akileraarusiiffiusumi ulloq 1. juli nallertinnagu nassinneqassapput.

Imm. 3. Akileraartussaatitaasoq aningaasarsiat akileraaruteqaataasussat pillugit nalunaarummik nassinneqarsimasoq, nalunaarut paassisutissanik akileraartussaatitaasup akileraarutissaanut pingaaruteqartunik tamanik imaqarsimannngippat imaluunniit nalunaarut paassisutissanik eqqunngitsunik imaqarpal ukiumi akileraarusiiffiusumi ulloq 15. august nallertinnagu akileraaruseriffimmut allakkatigut ilisimatitsissaaq.

Akileraarusiineq

§ 21. Akileraarusiineq qaammatisiutit malillugit ukiumi, ukiup aningaasarsiorfiusup angissusiliiffigisap tulliani kingusinnerpaamik ulloq 1. september, naammassineqareersimasariaqarpoq, taamaattorli tak. imm. 2 aamma § 47 aamma § 48.

Imm. 2. Selskabinik aamma peqatigiiffinnik ilaallu ilanngullugit akileraarusiineq qaammatisiutit malillugit ukiumi, ukiup aningaasarsiorfiusup angissusiliiffigisap tulliani kingusinnerpaamik ulloq 1. november naammassineqareersimassaaq, taamaattorli tak. § 47 aamma § 48.

Imm. 3. Naalakkersuisut najoqqutassatut ilitsersuutinik nalinginnaasunik, akileraarusiineremi atugassanik atulersitsisinnaapput.

Inaarummik aamma akileraarutissanik naatsorsuineq

§ 22. Akileraaruseriffiup akileraarutissaviit, aningaasarsiat akileraaruteqaataasussat angissusilerneqarnerat tunngavigalugu naatsorsussavai.

§ 23. Akileraarutissavinnit ilanngaatigineqassapput akileraarutaagallartut:

- 1) akileraarutitut A-tut unerartitat,
- 2) akileraarutitut B-tut, ukiumi akileraarusiiffimmi kingusinnerpaamik ulloq 1. april akiliutigineqarsimasut,
- 3) aningaasarianit akileraarutit pillugit inatsimmi § 85 najoqqutaralugu akiliutit, imaluunniit
- 4) aningaasarianit akileraarutit pillugit inatsimmi § 94 najoqqutaralugu akiliutit.

Imm. 2. Ammattaaq aningaasat, aningaasarianit akileraarutit pillugit inatsimmi §§-it 69-72 najoqqutaralugit appaassutaasut akileraarutissavinnit ilanngaatigineqassapput.

Imm. 3. Aningaasat imm. 1 aamma 2, malillugit ilanngaatigineqartussat naatsorsorneranni akileraarutit § 15 najoqqutaralugu utertinneqarsimajunnartut ilanngaatigineqassapput.

Imm. 4. Akileraartussaatitaasup aningaasat qanoq amerlatigisut akileraarutaagallartutut unerartinneqarsimanerannik imaluunniit akiliutigineqarsimanerannik akileraaruseriffimmut nalunaarutiginnittussaanera pillugu maleruagassat Naalakkersuisut aalajangersarsinnaavaat.

§ 24. Akileraarutissaviiit akileraarutaagallartunit § 23 malillugu ilanngaatigineqartussanit anneruppata, aningasat annerussutaasut akileraartussaataitaasup, akileraarutissat sinnerisut akilissavai.

Akileraarutissalli sinneri 100 kr.-init minnerusut akiligassiissutigineqassangillat.

Imm. 2. Akileraarutit sinnerinik akiligassaqarpat tapiliussat akileraarutit sinnerisa 8 procentiinik angissusillit aamma akilerneqassapput.

Imm. 3. Akileraarutissat sinneri akileraaruseriffimmit akiligassiissutigineqassapput. Akileraarutissat sinneri imm. 2 malillugu tapiliussanik ilallit pingasunngorlugit avillugit akiligassanngussapput ukiumi akileraarusiiffimmi qaammatit septemberip, oktoberip aamma novemberip aallaqqataanni, qaammatit akiligassanngorfimmik 20-anni kingusinnerpaamik piffissaagallartillugu akilerneqarsimassallutik.

Piffissaagallartillugu akiliiffissaq kingulleq sapataappat nalliuuttuuppalluunniit imaluunniit arfinningorneruppat piffissarititaasoq ulluinnarmut tullermut sivitsorneqassaaq.

Imm. 4. Akileraarutissaviiit qaffanneqarnissaannik kinguneqartumik kingusinnerusukkut aalajangiineqarpat, akileraarutit aningasartaat akiliinermi minnaarutaasut imm. 2, malillugu tapeqarlutik, aalajangiinermiit qaammatit pingasut qaangiunneranni qaammatip tulliata aallaqqataani akiligassanngussapput, qaammatillu akiligassanngorfiup ulluisa 20-at tassaalluni ulloq piffissaagallartillugu akiliiffissaq kingulleq. Ulloq piffissaagallartillugu akiliiffissaq kingulleq sapataappat nalliuuttuuppalluunniit imaluunniit arfinningorneruppat piffissarititaasoq ulluinnarmut tullermut sivitsorneqassaaq. Akileraarutit sinneri imaluunniit imm. 1 malillugu akileraarutit sinnerinut amerlissutit imm. 2, malillugu tapillit ukiumi akileraarusiiffimmi ullormit 1. septemberimiit aallartittumik ullup aalajangiineq pillugu nalunaaruteqarfiusup tungaanut qaammatit aallartinneri tamaasa 0,5 procentimik ernialersorneqassapput.

Imm. 5. Inaarausumik naatsorsuinermik allanngortitsineq akileraarutit sinnerisa siusinnerusukkut naatsorsorneqartut appartinneqarnerannik imaluunniit akiligassaajunnaarnerannik kinguneqarpat, aningasat akileraarutit sinnerinik appaassutaasut imm. 2 malillugu tapillit, ullup aalajangiineq pillugu nalunaaruteqarfiusup kingorna qaammatip tulliuttup qaninnerup naannginnerani tunniunneqassapput. Akileraartussaataitaasoq ukiumi akileraarusiiffimmi ullormit 1. septemberimiit aallartittumik qaammatit aallartinneri tamaasa 0,5 procentimik ernasiaqartinneqassaaq.

Imm. 6. Aningasat imm. 3-mit 5-imut, taaneqartut koruuninut ilivitsunut ammut akunnaallineqassapput.

§ 25. Akileraarutaagallartut § 23 malillugu ilanngaatigineqartut akileraarutissavinnit anneruppata aningasat annerussutaat akileraarutit sippuutaattut akileraartussaataitaasumut utertinnejassapput.

Akileraarutillit sippuutaat 100 kr.-nit minneruppata utertitsisoqassangilaq.

Imm. 2. Akileraarutit sippuutaannik utertitsinermi akileraartussaataitaasoq aningasat 2 procentiannik taartisiaqartinneqassaaq. Akileraarutit sippuutaasa aningasat nammineq piumassutsimik akiliutigineqarsimasut naligippatigit taartisiaqartitsisoqassangilaq.

Imm. 3. Akileraarutit sippuutaat akileraaruseriffimmit utertinnejassapput.

Imm. 4. Akileraarutit sippuutaat taartisiallu ukiumi akileraarusiiffimmi ulloq 1. september nallertinnagu utertinnejassapput. Utertitsineq ullormit 1. septemberimit kingusinnerusukkut pippat akileraartussaataitaasoq § 44, imm. 4-mi maleruagassaaq malillugu ernasiaqartinneqassaaq.

Imm. 5. Akileraarutissaviiit apparneqarnernissaannik kinguneqartumik kingusinnerusukkut aalajangiineqarpat, akileraarutit aningasartaat akiliinermi annaarutaasimasut imm. 2 malillugu

taartisiartalerlugin aalajangiinerup kingorna qaammatip ataatsip qaangiutinnginnerani utertinneqassapput. Akileraartussaatitaasoq ukiumi akileraarusiiffimmik ullormit 1. septemberimiit aallartittumik ullup aalajangiineq pillugu nalunaaruteqarfiusup tungaanut aningaasat utertinneqartut 0,5 procentiannik qaammatit aallartinneri tamaasa erniasiaqartinnejassaaq. Utertitassalli aningaasanut § 24, imm. 4 malillugu akiligassiissutigineqarsimasunut tunngasut erniaat aatsaat ulloq akiligassanngorfiat aallarnerfigalugu naatsorsorneqassapput.

Imm. 6. Inaarutaasumik naatsorsuinermitk allanngortitsineq akileraarutit sippuutaasa akileraartussaatitaasumut utertinneqareersimasut, tak. imm. 1, apparinnejarnissaannik imaluunniit utertinneqartussajunnaernerannik kinguneqarpat, aningaasat imm. 2 malillugu taartisiartallit utertinneqassapput. Aningaasat oqaaseqatigiinni siullerni taaneqartut tamarmiusut ukiumi akileraarusiiffimmik ullormit 1. septemberimiit aallartittumik ullup aalajangiineq pillugu nalunaaruteqarfiusup tungaanut qaammatit aallartinneri tamaasa 0,5 procentimik ernialersorneqassapput. Aningaasat akilerneqartussanngussapput aalajangiinermit qamatit pingasut qaangiunnerisa kingorna qaammatip tulliuttup aallaqqataani, piffissaagallartillugulu akiliiffissaq kingulleq tassaavoq qaammatip akiligassanngorfiup ulluisa 20-at. Piffissaagallartillugu akiliiffissaq kingulleq sapaataappat nalliuuttuuppalluunniit imaluunniit arfininngorneruppat piffissarititaasoq ulluinnarmut tullermut sivitsorneqassaaq.

Imm. 7. Akileraarutit sippuutaannik utertitsinnginnermi makkununnga akiligassajunnartut utertitassanit ilanngaatigineqassapput:

- 1) aningaasarsianit akileraarutit,
- 2) akitsuutit Namminersorlutik Oqartussat pisassaat,
- 3) aningaasarsianit akileraarutinut tunngatillugu tapiliussat, ernialiussat aamma akiliisitsissutit il.il,
- 4) akiligassat allat Namminersorlutik Oqartussat pisassaat.

Imm. 8. Aningaasat imm. 4-miit 6-imut, taaneqartut koruuninut ilivitsunut ammut akunnaallineqassapput.

§ 26. Toqusup ukiumi aningaasarsiorfimmik toqqiusumi aningaasarsiaasa akileraarutaannik inaarutaasumik angissusiliinermi § 24, imm. 2 malillugu tapiliussanik naatsorsuisoqassanngilaq, taamatullu § 25, imm. 2 malillugu taartisiassanik akiliisoqassanani.

Imm. 2. Akileraaruseriffiup akileraarutit sippuutigiunnagaat akilissavai nammineerluni nalunaarsuutip akileraaruseriffimmit tiguneqarneranit kingusinnerpaamik qaammatit tallimat qaangiunnerisigut. Piffissaagallartillugu utertitsineqanngippat pigisat toqusup qimatai § 44, imm. 4-mi maleruagassiaq malillugu aningaasat erniaannik erniasiaqartinnejassapput.

Imm. 3. Pigisat toqusup qimatai akileraarutissat sinneriunnagaannik akiliissapput inaarutaasumik angissusiliineq pillugu nalunaarummik tigusaqarnermit qaammatit pingasut qaangiunneranni qaammatisiutit malillugit qaammammi tulliuttumi, qaammatip akiligassanngorfimmik 20-anni kingusinnerpaamik piffissaagallartillugu akilerneqarsimasussanik. Ulloq piffissaagallartillugu akiliiffissaq kingulleq sapaataappat nalliuuttuuppalluunniit imaluunniit arfininngorneruppat piffissarititaasoq ulluinnarmut tullermut sivitsorneqassaaq.

Imm. 4. Aningaasat imm. 2-mi 3-milu, taaneqartut koruuninut ilivitsunut ammut akunnaallineqassapput.

§ 27. Selskabit peqatigiiffillu ilaallu ilanngullugit tamakkiisumik imaluunniit killilimmik akileraartussaatitaasut akileraarutissaasa 99 kr.-it sinnersimappatiget, akileraarutit tapiliussanik

akileraarutit 6 procentiannik ilallugit akileraaruseriffimmit akiligassiissutigineqassapput.

Imm. 2. Akileraarutit tapiilu imm. 1, malillugu ilanngunneqartut ukiumi akileraarusiiffimmi ullormi 1. novemberimi akiligassanngussapput, novemberip 20-ani kingusinnerpaamik piffissaagallartillugu akilerneqarsimassallutik. Ulloq piffissaagallartillugu akiliiffissaq kingulleq sapaataappat nalliuuttupalluunniit imaluunniit arfinningorneruppat piffissarititaasoq ulluinnarmut tullermut sivitsorneqassaaq.

Imm. 3. Akileraarutit qaffanneqarnissaannik kinguneqartumik kingusinnerusukkut aalajangiineqarpas aningaasat akiliinermi minnaarutaasut imm. 1 malillugu taperlugit aalajangiinermit qaammatit pingasut qaangiunneranni qaammatip tulliuttup aallaqqataani akiligassanngussapput, qaammatillu akiligassanngorfiup ulluisa 20-at tassaalluni ulloq piffissaagallartillugu akiliiffissaq kingulleq. Ulloq piffissaagallartillugu akiliiffissaq kingulleq sapaataappat nalliuuttupalluunniit imaluunniit arfinningorneruppat piffissarititaasoq ulluinnarmut tullermut sivitsorneqassaaq. Akileraarutit oqaaseqatigiit siullit malillugit qaffanneqartut imm. 1 malillugu tapillit ukiumi akileraarusiiffimmi ullormit 1. novemberimiit ullup aalajangiineq pillugu nalunaaruteqarfiusup tungaanut qaammatit aallartinneri tamaasa 0,5 procentimik ernialersorneqassapput.

Imm. 4. Akileraarutit apparneqarnissaannik kinguneqartumik kingusinnerusukkut aalajangiineqarpas aningaasat akiliinermi annaarutaasut 6 procentimik taperlugit aalajangiinermit qaammat ataaseq qaangiutsinnagu utertinneqassapput. Akileraartussaataitaasoq ukiumi akileraarusiiffimmi ullormit 1. novemberimiit aallartittumik ullup aalajangiineq pillugu nalunaaruteqarfiusup tungaanut qaammatit aallartinneri tamaasa aningaasat utertitat 0,5 procentiannik erniasiaqartinneqassaaq. Utertitassalli aningasanut imm. 3 malillugu akiligassiissutigineqarsimasunut tunngasut erniaat aatsaat ullormit akiligassanngorfigisamit naatsorsorneqassapput.

Imm. 5. Aningaasat imm. 2-miit 4-mut taaneqartut koruuninut ilivitsunut ammut akunnaallineqassapput.

Imm. 6. Tapiliussat imm. 1-imi, 3-mi aamma 4-mi taagorneqartut akileraarutinik selskabinut peqatigiffinnullu ilaallu ilanngullugit akiligassiinermi atorneqannginnisaat akileraaruseriffiup pissutsini immikkut ittuni, suleriaasissat Naalakkersuisunit aalajangersarneqarsimasut naapertorlugit akuersissutigisinnaavaa.

§ 28. Pissutsit akileraartussaatitaanermut tunngasut ukiup ingerlanerani allannguuteqarsimappata nammineerluni nalunaarsuutit tunniunneqarnissaannut, akileraarusiinermut, aningaasarsianit akileraarutinik akiliinissamut, akiliisitsiniarnissamut ernialersuinermullu ilaallu ilanngullugit maleruagassianik immikkut ittunik Naalakkersuisut aalajangersaasinnaapput.

§ 29. Aalajangiiffigineqartussap akileraarutit sinnerinik, akileraarutissavinnik qaffatanik, aningaasarsianit akileraarutinik, imaluunniit aningaasarsianit akileraarutinik qaffatanik akiliinngitsoorniarnissaa qularnaappat ilimanaateqarpallu, akileraaruseriffik piffissanik akiligassanngorfinnik akiliiffisanillu § 24, imm. 3-mi 5-imilu, § 25, imm. 6-imi aamma § 27, imm. 2-mi 3-milu aalajangersarneqartunit sivikinnerusunik aalajangersaasinnaavoq. Piffissaq akiligassanngorfik ullunit arfineq-marlunnit sivikinnerusinnaanngilaq, piffissalu akiliiffissaq ullunit 14-init sivikinnerusinnaanani.

Kapitali 6

Paasissutissanik nalunaaruteqarneq

§ 30. Akileraarutinik annertussusiliinermi akileraarutissanillu naatsorsuinermi atugassanik kikkulluunniit akileraarutit pillugit inatsimmi § 75, imm. 1-imi aamma 2-mi taaneqartunik suliffeqarfimmimi aningaasarsianik akiliisoq ukiut tamaasa qaammatip januarip naannginnerani aningaasat taamaattut akilerneqartut tamarmiusut kiisalu akileraarutit A-t unerartitat annertussusaannik nalunaaruteqassapput.

Aammattaq paassisutissat uku tunniunneqassapput:

- 1) tigusisut ataasiakkaat aningaasarsiaat tamakkerlugin,
- 2) aningaasarsianit akileraarutit A-t unerartitat,
- 3) ajunngitsorsiat tamarmiusut ilaannakortulluunniit soorlu nerisaqarneq ineqarnerlu, najugaqarneq, akunnittarfinniinneq, angalanerit, biilit telefonilu assigisaallu kiisalu malittarisassat Naalakkersuisunit aalajangersagaasut malillugit, tamakkua nalingi,
- 4) tigusisup aqqa, inuttut normua, najugaa aamma kommuni akileraartarfia aamma
- 5) paassisutaasinnaasut allat tigusisup kinaaneranik paasinninnissamut pisariaqartut,

Imm. 2. Suliffeqarfik atorunnaarpat ukiumi aningaasarsiorfiusumi ingerlareersumi paassisutissat tunniunneqassapput kingusinnerpaamik aningaasarsitsivimmuit kingullermiit ullut qulit qaangiuppata.

Imm. 3. Kikkulluunniit atuakkiortunut, erinniortunut, eqqumiitsuliortunut, oqalugiartartunut assigisaannulluunniit aningaasarsitsisut, suliffeqarfimmik atornermut attartornermulluunniit, kisermaassilluni atuisinnaanermut imaluunniit patentimik atuisinnaanermut akitsuutinik, ilusilersukkanut, nioqqutissap ilisarnaataanut assigisaannulluunniit akiliisoq, akitsuut ingerlaavartumik akilerneqartaraluarpas ataatsikkulluunniit akilerneqaraluarpas imm. 1-imi aalajangersagaq malillugu paassisutissanik tunniussisussaatitaapput.

Imm. 4. Akunnermiliuttoq aqqutigalugu aningaasarsianik akiliisoqarpas, taanna paassisutissiussaatitaavoq, sulisitsisoq paassisutissanik tunniussisinnaanngippat. Sulisitsisoq, imaluunniit akunnermiliuttoq, ikiortissarsinermini taassuma aqqanik, najugaqarfianik eqqortumik kiisalu inuup normuanik pissarsissaaq.

Imm. 5. Paassisutissat akileraaruseriffimmut tunniunneqassapput.

§ 30 a. Suliffeqarfiutiminni kinaluunniit, Aningaasarsianit akileraarutit pillugit Inatsisartut inatsisaanni § 75, imm. 1-imi 2-milu taaneqartunik akissarsisitsisoq, sulisunut ataasiakkaanut tunngatillugu soraarnerussutisiaqarnissamut imaluunniit inuunermut sillimmasiinermik aaqqissuussinermut akiliutigineqartut ukiut tamaasa januarip qaammataa naatinngagu tamakkerlugin nalunaarutigisassavaat. Tamatuma saniatigut akileraarutit A-t akiliutigineqartumit unerartinneqartut nalunaarutigineqassapput, akiliutigineqartoq soraarnerussutisiaqarnissamut imaluunniit inuunermut sillimmasiinermik aaqqissuussinermut tunngassuteqanngippat, Aningaasarsianit akileraarutit pillugit Inatsisartut inatsisaanni § 41, imm. 2 naapertorlugu sulisup aningaasarsiaanut akileraaruteqaataasussanut ilanngunneqartussaanngippata.

Imm. 2. § 30-mi, imm. 1, nr. 5 aamma 6-imi, kiisalu imm. 2-5-imi aalajangersakkanut aamma atutissaaq.

§ 31. Tigusisartoq § 30-mi taaneqartunik isertitaqartartoq Kalaallit Nunaanni akileraartussaatitaajunnaarpas, paassisutissiussaatitaasoq qinnuivigineqarnini malillugu paassisutissiissaaq § 30-mi taaneqartut aningaasat annertussusaannik qaammatisiutit malillugit ukiup aallartineraniit akileraartussaatitaanerup atorunnaarnerata tungaanut pineqartup aningaasarsiaanik

kiisalu akileraarutit A-t unerartitat annertussusaannik.

Imm. 2. Taamatuttaaq qinnuivigineqarneq malillugu pineqartoq taassumaluunniit sinniisua, imaluunniit toqusup qimataanik aqtsisuu sinnaasoq, paasissutissanik tunineqassaaq.

§ 32. § 30 aamma § 31, imm. 1 malillugu aningaasarsiaqartoq pillugu paasissutissat assilineranik aningaasariaqartoq tunineqassaaq.

§ 33. §§ 30-32 malillugit paasissutissiissutaasussat pillugit malittarisassanik Naalakkersuisut aalajangersaasinnaapput, taassumalu ataani paasissutissanik tunniussisussaatitaasut immikkoortuinut paasissutissiissutaasussanut piumasaqaatit oqilisinnissaannut. Naalakkersuisut aamma malittarisassanik aalajangersaasinnaapput, taassuma kingorna tigusisumut isertitat A-junngitsut eqqarsaatigalugit § 30, malillugu immikkut paasissutissiisoqarsinnaanngortillugu. Akiliutigineqartut piffissap aningaasarsioriusup naareernerani akilerneqartut ukumi sorlermi nalunaarutigineqarnissaat pillugu Naalakkersuisut malittarisassanik aalajangersaasinnaapput.

§ 33 a. Naalakkersuisut malittarisassanik aalajangersaasinnaapput, kommunit aammalu Namminersorlutik Oqartussat kajumissaarneqanngikkaluarlutik namminneerlutik aalisarnermit, piniarnermit, aallaaniarnermit, savaateqarnermit, equmiitsulianik sanalukkanillu tunisassianit tunisat pillugit paasissutissanik ukiut tamaasa akileraaruserivik tunisassagaat, tunisinermi isertitat pissarsisumut B-mik isertitatut isertitaagaangata, aammalu angallammik, qimussimik angallummulluunniit allamut attartornermut aningaasartuutit, attartornermut isumaqatigiissut ingerlatseqatigiiffimmut, peqatigiiffimmut assigisaannulluunniit, isumaqatigiissutaanngikkaangat.

Imm.2. Naalakkersuisut malittarisassanik aalajangersaasinnaapput, translatørinut, nutserisunut, oqalutsinut assigisaannullu akissarsianik A-mik akileraarusigaasimanngitsunik akiliisimasup, kajumissaarneqanngikkaluarluni nammineq tamanna pillugu paasissutissanik ukiut tamaasa akileraaruserivik tunisassaga.

Imm.3. Naalakkersuisut malittarisassanik aalajangersaasinnaapput, akiliunneqarluni angerlarsimaffigisamut angalanermut namminersortumi pisortanilluunniit atorfeqartumut tapiissuteqartup, kajumissaarneqanngikkaluarluni nammineq, tapiissuteqartup tapiissummillu tigusaqartup akornanni atorfinititsineqarsimannngikkaluarpalluunniit, tapiissut akilerneqartoq pillugu paasissutissanik ukiut tamaasa akileraaruserivik tunisassaga.

Imm. 4. Naalakkersuisut malittarisassanik aalajangersaasinnaapput, imm. 1-imuit 3-mut pineqartunik nalunaarutit pissarsisup, attartortitsisup, translatørrip assigisaasalu tapiissutinik assigisaannillu tigusaqartuusut, Naalakkersuisut naliliinerat malillugu akileraarusiinissamut akileraarutillu naatsorsorneqarnissaannut pisariaqartunik, kinaassutsimut paasissutissanik imaqqassasut. Naalakkersuisut tamatumani pissarsisup, attartortitsisup, translatørrip assigisaasalu, tapiissutinik tigusaqartuusut kinaassutsimut tunngasunik paasissutissiissutit eqqortuunerannik nalunaaruteqarnissamut pisussaaffeqartumut qularnarunnaarsitsinissamut pisussaaffeqartut malittarisassanik aalajangersaasinnaapput.

§ 33 b. Naalakkersuisut malittarisassanik aalajangersaasinnaapput, kommunit Namminersorlutik Oqartussallu inuuniarnermut tapiissutit, tapiissutinik pisassaqartuusut sinnerlugit akilersinneqarsimasut

pillugit paasissutissanik ukiut tamaasa kajumissaarneqanngikkaluarlutik namminneq akileraaruserivimmut tunniussisassasut.

§ 33 c. Naalakkersuisut malittarisassanik aalajangersaasinnaapput, suliatigut peqatigiiffit kaammattorneqanngikkaluarlutik namminneq ukiut tamaasa qaamatisiutit malillugit ukiumi kingullermi ilaasortanit akiliutit pissarsiarineqarsimasut pillugit paasissutissanik akileraaruserivimmut tunniussisassasut.

Imm. 2. Naalakkersuisut malittarisassanik aalajangersaasinnaapput, peqatigiiffit allat suliffeqarfilla suliffeqarnermi imm. 1-imi taaneqartut saniatigut ukiut tamaasa kajumissaarneqanngikkaluarlutik namminneq qaammatisiutit malillugit ukiup siuliani ilaasortanit akiliutit, aningaasaliisut assigaallu tapiissutinik tunniussaqartut pillugit paasissutissanik akileraaruserivimmut tunniussisassasut.
Nalunaaruteqarnissamut imm. 1 naapertorlugu pisussaaffik pillugu erseqqinnerusumik malittarisassanik aalajangersaasinnaapput, tamatumani nalunaarutit ilaasortat ataasiakkat kikkuunerinut tunngasumik paasissutissanik imaqassasut aammalu suliatigut peqatigiiffiup nalunaaruteqarneq pillugu ilaasortamut ilisimatitsinissamut pisussaaffeqarnera pillugu.

Imm. 3. Naalakkersuisut malittarisassanik aalajangersaasinnaapput, imm. 1-imi sulinermi peqatigiiffit taaneqartut nalunaaruteqarneq pillugu ilaasortaminnut ilisimatitsinissamut pisussaaffeqartut

§ 33 d. Naalakkersuisut malittarisassanik aalajangersaasinnaapput, Kalaallit Nunaanni Namminersorlutik Oqartussat qaammatisiutit malillugit ukiup siuliani ilinniarnermut tapiissutit ilinniarnersiutitut tunniunneqartut pillugit paasissutissanik kaammattorneqanngikkaluarlutik namminneq akileraaruserivimmut ukiut tamaasa tunniussisassasut.

Imm. 2. Naalakkersuisut malittarisassanik aalajangersaasinnaapput Kalaallit Nunaanni Namminersorlutik Oqartussat nalunaaruteqarneq pillugu ilinniagaqartumut ilisimatitsinissamut pisussaaffeqarnerat pillugu.

§ 33 e. Digitalimik kiffartuussisarfikkoortumik illuutinik aalaakkaasunik attartortitsinernik kiisalu taakkununnga akiliinernut sullissisoq, akilerautissat annertussusilernissaannut atugassanik ukiut tamaasa kaammattorneqarani akileraartarnermut ingerlatsivimmut sullissinerup imarisai pillugit paasissutissiisaaq, ilanggullugit attartornermut akiliutinik tigusisoq, immikkoortoq attartortinneqartoq, ullut unnuallu attartortitsiviusut, akiliutit ingerlateqqinneqartut annertussusaat, kontunormu attartornermut akiliifflusoq pillugit paasissutissat, kiisalu attartortitsisoq pillugu paasissutissat, ilanggullugit aqqa, najugaa, cpr nr. assigisaaluunniit attartortitsisup qularnaatsumik kinaassusersinissaanut naleqquttoq. Paasissutissiisussaatitaaneq akunnittarfinnut, unnuisitsisarfinnut assigisaannullu inuussutissarsiutigalugu ingerlatanut, inimik imaluunniit inissiamik attartortitsinernik taamaallaat sullissivigneqartunut, atuutinngilaq.

Imm. 2. Imm.1 malillugu paasissutissiisussaatitaaneq aamma illuutinik aalaakkaasunik attartortitsinernik sullissinernut, digitalimik kiffartuussisarfikkoortumik ingerlanneqartunut, kiffartuussinermut akiliuteqarneq kiffartuussisarfikkoortumik ingerlanneqarsimappat, atuuppoq.

Imm. 3. Naalakkersuisut imm. 1 aamma 2 malillugit paasissutissanik tunniussisarneq pillugu maleruagassanik erseqqinnerusunik aalajangersaasinnaapput.

§ 33 f. Akilerneqarluni tunisassianik aalisarnermeersunik, piniarnermeersunik, aallaaniarnermeersunik, savaateqarnermeersunik, eqqumiitsuliornermeersunik imaluunniit kusanartulianeersunik tuniniaanernik sullissisoq, tuniniaaneq inuussutissarsiortumut B-tut isertitaqaataappat, akileraarutissat annertussusilernissaannut atugassanik ukiut tamaasa kaammattorneqarani akileraartarnermut ingerlatsivimmut aqqa, najugaa aamma cpr nr. paasissutissiissutigalugit sullissinerup imarisai pillugit paasissutissiissaaq, ilanggullugit tunisassianut akiliutinik tigusisussaq, kiisalu akiliutit ingerlateqqinnejartut annertussusaat pillugit paasissutissat.

Imm. 2. Naalakkersuisut imm. 1 malillugu paasissutissanik tunniussesarneq pillugu maleruagassanik erseqqinnerusunik aalajangersaasinnaapput.

§ 34. Malittarisassat Naalakkersuisut aalajangersagaat malillugit unerartitsisussaatitaasut pillugit akileraaruseriffik nalunaarsuissaq.

Imm. 2. Malittarisassani imm. 1-im taaneqartuni aalajangersarneqarsinnaavoq unerartitsisussaatitaasut akileraaruseriffimmut ukuninnga nalunaaruteqassasut:

- 1) unerartitsisussaatitaanerup aallartinnera taamaatinneralu,
- 2) unerartitsisussaatitaasup najugaqarfia allanngornera aamm
- 3) aningaasarsianik A-nik tigusisartut ilangunneri ilaajunnaarnerilu.

§ 34 a. Akileraaruseriffiup paasissutissat § 30 a naapertorlugu nalunaarutigineqartut nalunaarsussavai.

Imm. 2. Inuup aningaasarsiaasa akileraaruteqaataasussat naatsorsorneranni akiliutiminik Danmarkimi, Savalimmuni imaluunniit Kalaallit Nunaanni tamakkiisumik ilaannakuusumilluunniit ilanngaateqartinneqarsimannnginnera uppermarsarneqarpat, inuup soraarnerussutisiaqarnissamut inuunermulluunniit sillimmasiinermik aaqqissuussinernut § 39 a, imm. 2-mi piumasaqaatinik naammassinnittunut akiliutai pillugit paasissutissat Akileraaruseriffiup qinnuigineqaruni nalunaarsorsinnaavai.

Imm. 3. Naalakkersuisut nalunaarsuiffik, matumani aamma qarasaasiat atorlugit nalunaaruteqartarneq pillugu, paasissutissanik nalunaarsorneqarsimasunik ingerlatitseqqitarneq il.il. pillugit maleruagassat sukumiinerusut aalajangersarsinnaavaat.

§ 35. Naalakkersuisut malittarisassanik aalajangersaasinnaapput, aningaaseriviit, sparekarsit, piginneqatigiinnikkut karsit, aningaasaliisarnernik ingerlatsiviit, pisortat karsit, qularnaveeqqusiiilluni aningaasanik atorniartarfait, pappiaqqanik nalilinnut centralit, aningaasaliissuteqartarnermut peqatigiffit, aningaasanik nalilinnik nioqquteqartut allallu, aktianik, anpartinik, obligationinik, tammarnaveeqqusiiinermut allagartanik, aningaasaliissuteqarnermut uppermarsaatinik, naafferartumik akilersukkanut allagartanik pappiaqqanilluunniit nalilinnik allanik paaqqutassatut isumagisassaminnik tigusisartut imaluunniit pappiaqqanik nalilinnik taamaattunik nioqquteqarnikkut kaavliaartitsut kaavliaartitsinermiluunniit akunnermiliuttusut, tigummisat, erniat, pissarsiat, naligititaasut, akiitsut sinneri, pisinerit, tunisaqarnerit il.il. pillugit paasissutissanik kajumissaarneqanngikkaluarlutik namminneq akileraaruserivimmut ukiut tamaasa tunniussassasut.

Imm. 2. Naalakkersuisut malittarisassanik aalajangersaasinnaapput, imm. 1-im pineqartunik nalunaarutit piginnittup, tunisaqartuuusup, atortup, atukkiisup il.il, Naalakkersuisut naliliinerat malillugu akileraarusiinissamut akileraarutillu naatsorsorneqarnissaannut pisariaqartumik, kinaassusiinut

paasissutissanik imaqassasut. Naalakkersuisut tamatumani piginnittup, tunisaqartuuusup, atortup, atukkiisup il.il. kinaassutsimut tunngasunik paasissutissiissutit eqqortuunerannik nalunaaruteqarnissamut pisussaaffeqartumut qularnarunnaarsitsinissamut pisussaaffeqarnerat pillugu.

§ 35 a. Aningaaseriviit qinnuigineqaqqaanngikkaluarlutik, kontut pillugit paasissutissanik makkuninnga imaqartunik akileraaruseriffimmut ukiumoortumik nalunaaruteqartarnissaat Naalakkersuisut maleruagassiuussinnaavaat:

1) Ateq, najugaq, cpr-, cvr- imaluunniit IIN-normu aamma kinaanermut paasissutissatut nunani allani normut kiisalu kontoqartut kinaanerannik paasissutissat allat, aammalu taakku nunanut sumiiffinnulluunniit sunut attuumassuteqarnerannik paasissutissat. Kontoqartunut inatsisit malillugit inuttut isigineqartunut, inummik ataatsimik inunnilluunniit arlaqartunik nakkutilliisoqartunut tunngatillugu aamma pineqartut tassaasinnaapput inuit nakkutilliisuusut kikkulluunniit pillugit paasissutissat taamaattut.

2) Kontup normua, kontulluunniit normua pigineqanngippat taassuma taamaaqataa alla siunertanut atussallugu naleqquttoq.

3) Aningaaseriviup nalunaaruteqartup aqqa kinaaneranullu paasissutissatut normut, matumani aamma kinaanermut paasissutissatut normut nunat allat oqartussaasuinut atulersinneqarsimasut.

4) Aningaaserivimmi kontup imarisai nalingaluunniit, matumani aamma, sillimmasiinermik isumaqatigiissut aningaasanngorlugu nalilik imaluunniit taarsigassarsiat assigiaartumik taarsersorneqarnissaannik isumaqatigiissut pineqartillugu, qaammatisiutit malillugit ukiup pineqartup naanerani imaluunniit kontu qaammatisiutit malillugit ukioq naatinngagu matusimappat matunnginnerani aningaasanngorlugu nalinga utertinneqarnerataluunniit nalinga.

5) Kontunut imaaliallaannaq tiguneqarsinnaanngitsunik imaqartunut tunngatillugu:

a) Kontumi pigisat pilersitaannik erniat tamarmiusut aningaasartaat, iluanaarutisiat tamarmiusut aningaasartaat aamma aningaasarsiat allat tamarmiusut aningaasartaat, aningaasat qaammatisiutit malillugit ukiup ingerlanerani kontumut akilerneqarsimappata ilanngunneqarsimappataluunniit imaluunniit kontu pillugu akilerneqarsimappata ilanngunneqarsimappataluunniit.

b) Tunisinikkut imaluunniit nalilinnik aningaasanngortitsinikkut iluanaarutit tamarmiusut, qaammatisiutit malillugit ukiup ingerlanerani kontumut akilerneqarsimasut ilanngunneqarsimasulluunniit, aningaaserivik nalunaaruteqartusoq tunisinermi aningaasanngortitsinermiluunniit kontoqartumut sinniisuusimappat.

6) Aallaqqaatitut akiliutinut kontunut sunulluunniit tunngatillugu erniat tamarmiusut aningaasartaat, qaammatisiutit malillugit ukiup ingerlanerani kontumut akilerneqarsimasut ilanngunneqarsimasulluunniit.

7) Kontunut sunulluunniit nr. 5-imi 6-imiluunniit pineqartunut ilaangitsunut tunngatillugu aningaasat tamarmiusut, aningaaseriviup nalunaaruteqartuuusup qaammatisiutit malillugit ukiup akiliiffigisassaata pisassanngortitsiffissaataluunniit ingerlanerani, kontoqartumut kontu pillugu akilerneqarsimasut pisassanngortinnejqarsimasulluunniit, matumani ilangullugit aningaasat aningaasanngortitsinikkut pissarsiarineqarsimajunnartut kontoqartumut qaammatisiutit malillugit ukiup ingerlanerani akilerneqarsimasut.

Imm. 2. Aningaaseriviit aningaaseriviit akiliiffigisimasamik erseqqinnerusumik taaneqartut aqqinik, taakkununngalu tamanut akiliutit taamaattut tamarmiusut aningaasartaannik aammattaaq nalunaaruteqartarnissaat Naalakkersuisut maleruagassiuussinnaavaat.

Imm. 3. Aningaaseriviit nalunaaruteqartussaatitaasut uppernarsaanerminni aningaaserivinnilu kontut

kikkunnit pigineqarneri tak. imm. 1, aammalu aningaaserivinnut erseqqinnerusumik taaneqartunut akiliuitit pillugit nalunaaruteqarnerminni peqqissaartumik periuseqarnissaat Naalakkersuisut maleruagassiuussinnaavaat, tak. imm. 2. Periusisanut taakkununnga atatillugu aammattaaq nammineq nalunaajaateqartarnissaq Naalakkersuisut maleruagassiuussinnaavaat.

Imm. 4. Maleruagassat imm. 1-imiit 3-mut naapertorlugit atulersinneqarsimasut taamaallaat kontoqartunut aamma inatsisit naapertorlugit inuttut isigineqarsinnaasunut inunniq nakkutilliisoqartunut aammalu nunanut sumiiffinnulluunniit, marloriaammik akileraannginnissaq pillugu isumaqatigiissut, nunat tamat isumaqatigiissutaat alla naalagaaffiulluunniit isumaqatigiissutaat imaluunniit allaffeqarfitsigoortumik isumaqatigiissut naapertorlugu akileraarutitigut suliassani ikioqatigiittarnissamik isumaqatigiissuteqarfingeqarsimasunut, aningaaserivinni kontut pillugit paassisutissanik imm. 1-imi 2-milu taaneqartunik ingerlaannartumik paarlasseqatissanut attuumassuteqartunut, imaluunniit attuumassuteqarneq aalajangerneqarsinnaanngitsillugu atuuttuunissaat Naalakkersuisut aalajangersinnaavaat. Aammattaaq maleruagassat imm. 1-imi 2-milu taaneqartunit piumasaqaatitakinnerusut Naalakkersuisut aalajangersarsinnaavaat, maleruagassallu assigiinngitsunik imaqartinneqarsinnaapput, kontoqartut imaluunniit inuit nakkutilliisuusut nunanut sumiiffinnulluunniit sunut attuumassuteqarnerat, aamma attuumassuteqarnerup aalajangerneqarsinnaannginnera apeqqutaatillugit. Nalunaaruteqartussaatitaanerup atuutsikkiartuaorneqarnissaa aamma Naalakkersuisut maleruagassiuussinnaavaat.

Imm. 5. Aningaaseriviit aningaaserivinnut allanut akiliinerminni, pisussaaffit Namminersorlutik Oqartussat aamma nunap sumiiffulluunniit pineqartup isumaqatigiissutaanni ilaatinneqartut eququatsinniarlugit, nunanut allanut akileraarutit unerartissinnaavaat. Aningaaseriviit nunanut allanut akileraaruteqaataasussanik aningaaserivinnut allanut akiliisut akunnermiliuttuusulluunniit paassisutissanik, akiliuteqarnissaq siqqullugu suliaqartussamat, akiliuteqarnermi taamaattumi unerartitsinissamat tamatuminngalu nalunaaruteqarnissamat pisarialinnik ingerlatitseqqittarnissaat Naalakkersuisut maleruagassiuussinnaavaat.

Imm. 6. Aningaaserivimmi kontumik pilersitsisup kontoqartut inuillu nakkutilliisuujunnartut cpr-, cvr-imaluunniit IIN-normui aamma kinaanermut paassisutissatut nunani allani normut pigineqarpata normut taakku aningaaserivimmut, maleruagassat erseqqinnerusut Naalakkersuisunit aalajangersarneqartut naapertorlugit nalunaarutigissavai kiisalu paassisutissat allat, kontoqartut inuillu nakkutilliisuujunnartut kinaanerink paassisutissatut pisariallit tunniutissallugit. Kontut kingusinnerpaamik 31. december 2013-imi pilersinneqartut pillugit paassisutissanik imm. 1-imi taaneqartunik aningaaseriviit pissarsiniarnissamat, kontoqartullu aningaaserivinnut nalunaaruteqarnissamat pisussaaffi Naalakkersuisut maleruagassiuussinnaavaat.

Imm. 7. Inuk maleruagassat imm. 1 aamma 2 naapertorlugit atuutilersinneqarsimasut malillugit nalunaarutigineqartussaq, paassisutissat isumannaatsuunissaat unioqqutinnejqarpat pineqartoq pillugu paassisutissanut tunngatillugu ilisimatinneqassaaq, unioqqutsitsinerup inuk pineqartoq taassumaluunniit inuttut inuunera pillugit paassisutissat illersugaanerannik akornusiisinnaanera ilimanaateqarpat.

Imm. 8. Maleruagassat imm. 1 aamma 2 naapertorlugit atuutilersinneqarsimasut malillugit inuit nalunaarutigineqartussat, pineqartut pillugit paassisutissat maleruagassat imm. 1-imiit 6-imut naapertorlugit atuutilersinneqarsimasut malillugit ketersorneqarlutillu ingerlateqqinnejqarnissaat pillugu tamaasa immikkut Aningaasaqarnikkut ingerlatisiviit nalunaaruteqartussaatitaasut ilisimatissavai, paassisutissanillu inunnut paassisutissat pillugit inatsimmi § 28 § 29-lu naapertorlugit pisinnaasaannik

tamanik tunissallugit, taamaalilluni inuk paasissutissat illorsorneqarnissaat pillugu pisinnaatitaaffini malillugit iliuuseqarnissamut naammattumik piffissaqaqqullugu, tamannalu tamatigut pisassaaq aningaasaqarnikkut ingerlatsiviup pineqartoq pil-lugu paasissutissanik akileraaruseriffimmut nalunaaruteqannginnerani.

§ 36. Suliffeqarfimmik ingerlatsinermut atatillugu, ernianut akiliutinik tigusisartoq imaluunniit ernialerlugit akiligassarsisitsartoq, akileraarutissat annertussusilernissaannut atugassamik kajumissaarneqarani ukiup ingerlanerani erniat akilerneqartut imaluunniit pissarsisitsissutigineqartut annertussussaannik kiisalu ernialiissutit imaluunniit erniat akiligassanngortinneqartut, ernialiinermi ulloq kiisalu ukiup siuliani aningaasat uninngasuutit akiitsulluunniit annertussusaat pillugit akileraaruseriffimmut paasissutissiissaq. Paasissutissiisussaatitaaneq kontonut assigisaannullu ukiup ingerlanerani atorunnaarsinnejartunut aamma atuuppoq.

Imm. 2. Imm. 1 malillugu paasissutissiisutigineqartussat pillugit Naalakkersuisut annertunerusunik malittarisassiorsinnaapput.

§ 37. § 36, imm. 1 malillugu kontomik pilersitsoq kontomik piginnittup inuttut normua imaluunniit selskabip nalunaarsorneqarnerani normua paasissutissiisutigissavaa. § 36 malillugu paasissutissiisutissaatitaasut kontomik piginnittup inuttut normuanik imaluunniit nalunaarsorneqarnermi normumik akileraaruseriffiup paasisissinnaavai.

Imm. 2. Imm. 1 malillugu paasisitsissutigineqartussat pillugit Naalakkersuisut malittarisassanik aalajangersaasinnaapput.

§ 38. (atorunnaarsinnejarpooq).

§ 39. Soraarnerussutisiaqarnissamut aningaasaateqarfit, inuunermut soraarnerussutisiaqarnissamullu sillimmasiisarfit, aningaaseriviit allallu soraarnerussutisianik imaluunniit sillimmasiisutinik inuuneq naallugu pisartagaritinneqartussanik tunniussisartut akileraaruseriffimmut makku pillugit paasissutissiissapput:

- 1) akileeqataassutit akiliutillu akilerneqarsimasut,
- 2) soraarnerussutisiaqarnissamut aaqqissuussinernit, aningaasarsianit akileraarutit pillugit Inatsisartut inatsisaanni §§ 39-mi, 39 a-mi, 40-mi aamma § 47 f-imti taaneqartunit tunniunneqartartut,
- 3) aaqqissuussinernit taamaattunit aninermi ajunngitsorsiatut, utertitsinermi nalingatut aamma bonusitut tunniunneqartut, aamma
- 4) aalajangikkat Inatsisartut inatsisaanni § 46, imm. 2-mi taaneqartutut ittut, soraarnerussutisiaqarnissamut aningaasaateqarfiup, inuunermut soraarnerussutisiaqarnissamullu sillimmasiisarfiup, aningaaseriviulluunniit allalluunniit ilisimasaqarfigisaat.

Imm. 2. Soraarnerussutisiassaqarnermik nalunaaruteqarneq imaluunniit sillimmasiinerit allagartaat assigiinngitsunik aaqqiinernik, akiliut imaluunniit sillimmasiinermi akiliut aningaasarsianit akileraarutit pillugit inatsisartut inatsisaanni § 39-mi ilaangngitsunik imaqpapat, soraarnerussutisiassaqarnermik nalunaarut imaluunniit sillimmasiinermi allagartaq akiliutip imaluunniit sillimmasiinermut akiliutip soraarnerussutisianut sillimasiinernullu ataasiakkaanut qanoq agguataarneqarneranik imaqpassaqq, kiisalu soraarnerussutisianut karsi imaluunniit sillimmasiisarfik aningaasat agguataarnerannik

paasissutissiissalluni.

Imm. 3. Imm. 1 aamma 2 malillugu paasissutissiissutissanut malittarisassat Naalakkersuisut aalajangersarsinnaavaat.

Kapitali 7

Aningaasarsianit akileraarutinik agguaneq isumannaarinerlu

§ 40. Nuna tamakkerlugu akileraarutit aamma nuna tamakkerlugu immikkut akileraarutit landskarsip pisassarai.

Imm. 2. Kommuninut akileraarutit kommunip akileraarfiup pisassarai.

Imm. 3. Kommuninut ataatsimut akileraarut kommuninut nakkartinneqartussaq § 41 naapertorlugu assigiissaarinermik aaqqissuussinermut tamakkiisumik ilaavoq.

Imm. 4. Iluanaarutisianit akileraarutit landskarsip, kommunip akileraarfiup kommunillu pisassaraat imm. 1-imiit 3-mut aalajangersakkat naapertorlugit.

Imm. 5. Selskabit suliffeqarfíllu, Kalaallit Nunaanni atortussiassat aatsitassanit pisut il.il. pillugit inatsit naapertorlugu, sermip erngullu avammut nioqqtissatut atorneqarnissaat pillugu inatsisartut inatsisaat, pisinnaatitaaffeqartut aningaasarsianit akileraarutaat, tamatumani ilaallutik iluanaarutisianit akileraarutit, landskarsip pisassarai. Aningaasarsianit iluanaarutisianillu akileraarutinut taamaattunut §§-it 27 aamma 43, naapertorlugit tapiliunneqartartut ernialiunneqartartullu taamatulli landskarsimit pisassarineqarlutillu akilerneqartassapput.

Imm. 6. Landskarsip suliffeqarfíutaasa aktie- imaluunniit anpartsselskabinngortinneqarsimasut selskabillu akileraaruseriffimmik kommunitut akileraarfeqartut akileraarutaat, tassani ilaallutik iluanaarutisianit akileraarutit, landskarsip pisassarai. Selskabit akileraarutaannut iluanaarutisianillu akileraarutinut taamaattunut §§-it 27 aamma 43 naapertorlugit tapiliunneqartartut ernialiunneqartartullu taamatulli landskarsimit pisassarineqarlutillu akilerneqartassapput.

Imm. 7. Selskabit akileraarutaat landskarsip, kommunip akileraarfiusup kommunillu pisassaraat, taamaattorli tak. imm. 5 aamma 6, aningaasarsianit akileraarutit pillugit inatsimmi § 61 naapertorlugu ukiumi aningaasarsiorfiusumi akileraarusiissutigineqarsimasup, aningaasarsianit akileraarutit pillugit inatsimmi § 62 naapertorlugu ukiumi aningaasarsiorfiusumi 1. januarimi innuttaasut amerlassusiat malillugu akileraarusiissutigineqarsimasup, aammalu aningaasarsianit akileraarutit pillugit inatsimmi § 63 naapertorlugu ukiumi aningaasarsiorfiusumi akileraarusiissutigineqarsimasup assigiinngissutaat naapertorlugu.

Imm. 8. Aningaasarsianit akileraarutit pillugit lnatsisartut inatsisaanni § 46 naapertorlugu akitsuut landskarsip pisassaraa.

Imm. 9. Imm. 1-imiit 8-mut akileraarutinik taagorneqartunik taakkualu ernaliaannik tapiliussanullu akiliinngitsoortoqarnerani annaasat landskarsianit nammanneqassapput.

§ 41. Kommunit agguaqatigiissillugu inummut ataatsimut akileraarutitigut isertitaasa assigiinngissutaannut matusissutissanik kommunit akileraarutitigut isertitaannik agguassisarnissamut maleruagassiat Naalakkersuisut kommuninut isumaqatiginninniareerlutik aalajangersassavaat.

§ 42. Akileraaruseriffik ukiumi aningaaasarsiorfimmi tulliuttumi akileraarutitigut isertitassanut missingersuusiamik ukiut tamaasa ulloq 1. juli nallertinnagu sanasassaq.

Imm. 2. Akileraarutit kommunit akornanni aamma landskarsip kommunillu akornanni isumannaarneqartarnissaat pillugu maleruagassat Naalakkersuisut aalajangersassavaat.

Immikkoortoq IV

Erniat, piffissaritatit, isumakkeerinnittarneq il.il.

Kapitali 8

Erniat, tapiliussat aamma utertitsinissamut piffissarititaq

§ 43. Akileraarutit piffissaagallartillugu akilerneqanngippata, imaluunniit akiliinissap kinguartinneqarnissaas akuerineqarsimappat, ullormit akiligassanngorfiannit qaammatit aallartinneri tamaasa qaammammoortumik erniat 1 pct.-it, taamaattorli minnerpaamik 500 kr.-it akilerneqassapput. Tamanna aamma atuuppoq unerartitsisussaatitaasunut aningaaasrianit akileraarutit pillugit inatsimmi § 30-mi imaluunniit § 81-impi pineqartunut. Erniat landskarsip pisassarai. Erniat aningaaasariat akileraaruteqaataasussat naatsorsorneqarneranni ilanngaatigineqarsinnaanngillat.

Imm. 2. Tapiliussat, tak. § 24, imm. 2 aamma § 27, imm. 1, kiisalu taartisiat, tak. § 25, imm. 2, landskarsip pisassaralugillu akiligassarai.

§ 44. Inatsimmi matumani imaluunniit akileraartarnermut inatsisini allani allatut aalajangersaasoqarsimanngippat akileraarutinut akiliutaavallaarsimasut kingusinnerpaamik qaammatip, akileraaruseriffiup utertitsinissamik qinnuteqaammik tigusaqarfiaq tulliani ulluinnarmi kingullermi utertinneqassapput. Aningaasat 100 kr.-init minnerusut tunniunneqassangillat.

Imm. 2. Akileraaruseriffik utertitsivigineqartussamut tunngasut pissutigalugit qinnuteqaammut tungaviusumik misissuisinnaanngippat utertitsinissamut piffissarititaq kipitikkallarneqassaaq pissutsit pineqartut misissuinissamut akornutaajunnaarserlugit.

Imm. 3. Utertitsivigineqartussaq nammineerluni nalunaarsummik aamma/imaluunniit akitsuutit pillugit nalunaarummik piffissaagallartillugu nassiuasaqarsimanngippat, akileraaruseriffiup utertitsinissaq kinguartissinnaavaa nammineerluni nalunaarsuutip aamma/imaluunniit akitsuutit pillugit nalunaarutip tiguneqarnissaata tunganut. Utertitsinissaq kinguartinneqarpat utertitsinissamut piffissarititaq kipitikkallarneqassaaq.

Imm. 4. Akileraarutit utertitsinissamut piffissarititamit kingusinnerusumik imaluunniit §§-ini 25, imm. 4-mi aamma 26, imm. 2-mi imaluunniit akileraartarnermut inatsisini allani aalajangersarneqarsimasumit kingusinnerusumik utertinneqarpata, utertitsinissamut piffissarititap qaangiunneraniit qaammatit aallartinneri tamaasa qaammammut 1 procentimik ernialersorneqassapput. Erniat landskarsip akilissavai. Erniat aningaaasariat akileraaruteqaataasussat naatsorsorneranni ilanngunneqassapput.

§ 45. Akileraarutinut akiligassat ernialersorneqarnerat akileraaruseriffiup unitsissinnaavaa, akiligassalik akiitsuminik akilersuisinnaanngippat ukiunilu qaninnerni taamaaliorsinnaassanngippat. Akiligassallip aningaaasorierna pitsanngoriaateqarpat imaluunniit akileraaruseriffik ernialersuinerup unitsinnejarnissaanik aalajangisoqarnerani paassisutissanik pisariaqartunik tamanik

pigisaqarsimannngitsoq paasineqarpat, akileraarutinut akiligassat ernialersorneqarnerat akileraaruseriffiup aallarteqqissinnaavaa.

Imm. 2. Akiligassallit imm. 1-imi pineqartut taamaallaat tassaapput inuit.

Imm. 3. Imm. 1-ip atorneqarnissaanut maleruagassat Naalakkersuisut erseqqinnerusumik aalajangersarsinnaavaat.

Kapitali 9

Utertitsilluni akiliisoqarnissaanik piumasaqarneq

§ 46. Akileraarutinik akiliugitineqarpallaartut utertitsilluni akileeqqusineq utertitsilluni akiliinissamut piffissarititaq sioqqullugu pisinnaanngilaq. Tunniussinerit taamaattut atortussaatitaanngillat.

§ 46 a. Akileraarutaavallaartunik, ernianik, ajunngitsorsiassanik assigisaannilluunniit akiliinermi danskit koruuniinik, akileraartartup kontomut innersuussaanut aningaaserivimmiiittumut pisarpoq. Taaneqartutut akileraartartoq nammineq nalunaarsuinikkut, utertoornissamut qinnuteqarnikkut imaluunniit kingusinnerusukkut kontomik innersuussisinnaavoq. Kontomut innersuunneqartumut akiliinermi akileraartarnermut ingerlatsivik akisussaasuujunnaartarpoq.

Imm. 2. Kontomik aningaaserivimm Danmarkimi, Savalimmiuni imaluunniit Kalaallit Nunaanniinngitsumi innersuussisoqarsimappat, akiliinermut atatillugu aningaasartuutanerusunik aningaasanit ilanngaasoqarsinnaavoq. Aningaasat nuutassat aningaasartuutinit ikinneruppata, akileraartarnermut ingerlatsiviup aningaasat kontomut innersuussamat ikinngitsuinnarsinnaavai. Kontonut bankini Danmarkimiinngitsuni, Savalimmiuniinngitsuni imaluunniit Kalaallit Nunaanniinngitsuni akiliinerit piffissaq eqqorlugu akiliinertut isigineqartassapput, aamma tigusisussap nunami akiliinerit assigisaasa kinguneranniluunniit tigugaluarpagit, ulloq taanna kontonut Kalaallit Nunaanniittunut akiliinermi assiganik sullinneqarsimappata, taakkulu Kalaallit Nunaanniittut piffissaq eqqorlugu aningaasat tiguppatigit.

Imm. 3. Akileraartartoq siusinnerusukkut kontomik innersuussismappat, akileraartarnermut ingerlatsiviup akileraartartumut nammineerluni nalunaarsuiffissakkut allakkakkulluunniit nalunaarutinik allanik nassiuussamigut oqaatigisinhaavaa, akileraarutaavallaartut kontomut sumut ikineqassanersut, akileraartartoq kontomik allamik innersuussinngippat. Akileraartartoq kontomik allamik innersuussinngippat, nammineerluni nalunaarsuiffissami il.il. kontomut taaneqartumut ikineqassapput, tamatumuunalu akileraartarnermut ingerlatsivik akisussaafferutissalluni.

Imm. 4. Akileraartarnermut ingerlatsiviup akileraarutaavallaartut il.il. imm. 1-imi imaluunniit 2-mi taaneqartutut kontomut akilersinnaannngippag, akileraartarnermut ingerlatsiviup ullormit akiliisinnaffianit, akileraartartumut ernialersuisoqassanngilaq.

Imm. 5. Akileraartarnermut ingerlatsiviup akiliisussaafianit ukiut 5 qaangiuppata, akileraartarnermut ingerlatsivik imm. 1- 3-mi taaneqartutut kontomut suli akiliisinnnaannngippat, akileraartartup akileraarutaavallaartunik, ernianik, ajunngitsorsiassanik assigisaanilluunniit piumasaqarsinnaanini annaassavaa. Piumasaqataasinaasut uuma siuliani taaneqartut piumasaqataasinaajunnaartut Nunatta karsianut ikineqassapput.

Kapitali 10

Aningaasarsianit akileraarutit pillugit piffissarititat il.il.

Angissusiliineq nalinginnaasoq

§ 47. Akileraaruseriffik aningaasarsianit akileraarutinik angissusiliinissamik allannguinissamilluunniit ilimasaarummik § 12, imm. 1-imi taaneqartumik nalunaarutiginnissinnaanngilaq ukiup aningaasarsiorfiusup qaangiunneraniit ukiut tallimassaanni ullormit 31. oktoberimit kingusinnerusukkut. Angissusiliineq kingusinnerpaamik pissaaq ukiup aningaasarsiorfiusup qaangiunneraniit ukiut arfinilissaanni 31. januarimi.

Imm. 2. Akileraartussaatitaasup aningaasarsiami akileraarutaannik angissusiliiffigineqarnermi allanngortinneqarnissaanik kissaateqartup, paassisutissat piviusut eqqartuussivikkulluunniit uppernarsarneqartut allannguinissamut tunngaviusinnaasut saqqummiutissavai kingusinnerpaamik ukiup aningaasarsiorfiusup qaangiunneraniit ukiut tallimassaanni 31. oktoberimi.

Imm. 3. Ukiumi aningaasarsiorfiusumi, paragraffi una malillugu piffissaritat avataanniittumi nalikilliliinissamut tunngavimmik naliliineq allanngortitaq tunngavigalugu angissusiliineq imm. 1 malillugu suliarineqarsinnaavoq allanngortinneqarsinnaalluniluunniit, angissusiliineq missingersuiner mik tunngaveqanngippat.

Imm. 4. Amigartoorutinik annasanilluunniit ukiuni kingusinnerusuni ilanngaatigineqarsinnaasunik ukiumi aningaasarsiorfiusumi, maleruagassaq una malillugu piffissaritat avataanniittumi nammineerluni nalunaarutigineqarsimasunik naliliineq allanngortitaq tunngavigalugu angissusiliisoqarsimappat, angissusiliineq imm. 1, malillugu suliarineqarsinnaanngilaq allanngortinneqarsinnaananiluunniit.

Imm. 5. Akileraartussaatitaasumut ukiup aningaasarsiorfiusup qaammatisiutit malillugit ukioq assiginngippagu, piffissaritat ukiup ukiumit aningaasarsiorfiusumit taarserneqartup naaneraniit aallartittumik naatsorsorneqassapput.

Imm. 6. Imm. 1 imaluunniit 2, naapertorlugu angissusiliineq naliqissitsinermi kisitsimmik naatsorsuinermut tunngassuteqarpat, ukiup aningaasarsiorfiusup aallartinnerani naatsorsugaq taamaallaat naatsorsorneqarsinnaalluniluunniit allanngortinneqarsinnaavoq ukiup aningaasarsiorfiusup siuliani angissusiliineq, ukiup aningaasarsiorfiusup siuliani tassani ukiup naanerani naatsorsukkamut tunngatillugu taamatulli allanngortinneqarpat.

Angissusiliineq immikkut ittoq

§ 48. § 47, imm. 1-imi piffissarititaq apeqqutaatinnagu akileraaruseriffik aningaasarsianit akileraarutinik angissusiler mik suliaqarsinnaavoq allanngortitsisinnaalluniluunniit, akileraaruseriffik akileraartussaatitaasup qanoq iliornerinik pisuussuteqarani ilisimanninnginnini pissuratigalugu angissusiliiner mik suliaqarsinnaasimanngippat allanngortitsisinnaasimanngippalluunniit. Akileraaruseriffiup akileraartussaatitaasup qanoq tigalugu angissusiliiner mik suliaqarsinnaasimanngippat allanngortitsisinnaasimanngippalluunniit. Akileraaruseriffiup akileraartussaatitaasup qanoq iliorneri pillugit ilisimannilerneiliorneri pillugit ilisimannilernenii taliginnaasumilluunniit sissuernermigut ilisimannilersinnaaffianiit kingusinnerpaamik qaammatit arfinillit qaangiunneranni akileraaruseriffik aningaasarsianit akileraarutinik angissusiliiner mik suliaqarnissaq allanngortitsinssarlunniit pillugu ilimasaarummik § 12, imm. 1-imi taaneqartumik nassiuissaqassaaq. Angissusiliineq kingusinnerpaamik

pissaaq ilimasaarutip § 12, imm. 1-imí taaneqartup nassiunneraniit qaammatit arfinillit qaangiunneranni.

Imm. 2. § 47, imm. 2-mi piffissarititaq apeqqutaatinngagu akileraartussaatitaasoq paassisutissanik piviusunik eqqartuussivikkulluunniit uppernarsarneqartunik, aningaasarsiaminit akileraarutinik angissusiliinermik allannguinissamut tunngaviusinnaasunik saqqummiussisinnaavoq, akileraartussaatitaasoq pisuussuteqarani ilisimanninginnini pissutigalugu paassisutissanik taakkuninnga siusinnerusukkulli saqqummiussisinnaasimanngippat, tak. Akiligassat ilaasa nutaangnilisarnerat pillugu inatsimmi nr. 274, 22. december 1908-meersumi § 3. Akileraartussaatitaasup paassisutissat saqqummiutissavai, akileraartussaatitaasup pissutsinik piviusunik eqqartuussivikkulluunniit uppernarsarneqartunik, akileraartussaatitaasup angissusiliiffigineqarnerata allanngortinnejarnissaanut tunngaviusinnaasunik ilisimannilereraniit naliginnaasumilluunniit sissuernermigut ilisimannilersinnaaffianiit kingusinnerpaamik qaammatit arfinillit qaangiunneranni.

Akileraarutit eqqarsaatigalugit piumasaqaatit

§ 49. Iliuuserisap aningaasarsianit akileraarutit angissusilerneqarnissaannut erseqqinnerusumik taaneqartunik sunniuteqarnissaa namminersortup iliuserisaani piumasaqaataasimappat (akileraarutit eqqarsaatigalugit piumasaqaatit), akileraarutit eqqarsaatigalugit piumasaqaat aningaasarsianit akileraarutinik angissusiliinermut aatsaat atuuttussaatinnejassaaq, akileraarutit eqqarsaatigalugit piumasaqaat erseqqissuuppat, allakkatigoortuuppat kingusinnerpaamillu akileraaruseriffiup iliuserisap imarisaanik allanik nalunaarfingineqarnera ilutigalugu akileraaruseriffimmut nalunaarutigineqarpat.

Imm. 2. Akileraaruseriffiup akileraarutit eqqarsaatigalugit piumasaqaatip angissusiliinermi atuutsinneqarnissaa itigartissinnaavaa, namminersortup akileraarutit eqqarsaatigalugit piumasaqaatit sunniutissaattut piumasai erseqqinngippata paassiuminaatsuuppataluunniit.

Allanngortitsineq

§ 50. Aningaasarsianit akileraarutinik angissusiliineq namminersortup iliuserisaanik tunngaveqarpat, iliuserisap kingusinnerusukkut allanngortinnejarnerata aningaasarsianit akileraarutinik angissusiliinermut (allanngortitsinermut) sunniuteqartinnejarnissaa akileraaruseriffiup akuerisinnaavaa piumasaqaatit makku naammassineqarsimappata:

- 1) Iliuuserisaq akileraarutissanik sipaarnissaq kinguartitsinissarluunniit pinerullugit pisimassanngilaq,
- 2) iliuserisap akileraarutitigut sunniutissanik annertuunik siunertaqarsimannnginnissaa qularnaatsuussaaq,
- 3) iliuserisaq oqartussaasunut erseqqissumik saqqummiunneqarsimassaaq,
- 4) iliuserisamut allanngortitsinissamik akileraarutitigut sunniuteqartinniakkat nalorninaatsuulltillu paassiuminartuussapput, aammalu
- 5) allanngortitsinissamik akuersinikkut akileraarutitigut sunnerneqartussat tamarmik allanngortitsinissamik qinnuteqaat akuersissutigissavaat.

Kapitali 11

Akitsuutit pillugit piffissarititat il.il.

Akitsuutit akiligassat aamma akitsuutinit taartisiat

Angissusiliineq nalinginnaasoq

§ 51. Akileraaruseriffik akitsuutit akilerneqartussangorneriniit ukiut sisamat qaammatillu pingasut qaangiutereernerinit kingusinnerusukkut akitsuutit akiligassat angissusilerneqarnissaat allanngortinneqarnissaalluunniit pillugu ilimasaarummik nassiusisinnaanngilaq. Taamatuttaaq aamma akitsuutinut taartisiat allanngortinneqarnissaat pillugu ilimasaarut, taartisianik piumasaqaatip atuutsinneqarfissaata siusinnerpaap kingornatigut ukiut sisamat qaammatillu pingasut, qaangiutereernerinit kingusinnerusukkut nassiuunneqarsinnaanngilaq. Akitsuutit akiligassat aammalu akitsuutinit taartisiat kingusinnerpaamik angissusilerneqassapput oqaaseqatigiit siulliit tulliliuunniit malillugit piffissarititap qaangiunneraniit qaammatit pingasut qaangiunneranni.

Imm. 2. Akitsuummik akiliisussaatitaasup akitsuutit akiligassat allanngortinneqarnissaannik kissaateqartup, paasissutissat piviusut eqqartuussivikkulluunniit upternarsarneqartut allannguinissamut tunngaviusinnaasut kingusinnerpaamik saqqummiutissavai akitsuutit akilerneqartussangorneriniit ukiut sisamat qaammatillu pingasut qaangiunneranni. Taamatuttaaq aamma suliffeqarfiup inuulluunniit akitsuutinit taartisianik kissaateqartup, paasissutissat piviusut eqqartuussivikkulluunniit upternarsarneqartut akitsuutinit taartisiaqarnissamut tunngaviusinnaasut kingusinnerpaamik saqqummiutissavai akitsuutinit taartisianik piumasaqaatip atuutsinneqarfissaata siusinnerpaap kingornatigut ukiut sisamat qaammatillu pingasut qaangiunneranni.

Angissusiliineq immikkut ittoq

§ 52. § 51, imm. 1-imi piffissarititaq apeqqutaatinnagu akileraaruseriffik akitsuutit akiligassanik angissusiliinermik suliaqarsinnaavoq allanngortitsisinnaalluniluunniit, akileraaruseriffik akitsuutinik akiliisussaatitaasup qanoq iliornerinik pisuussuteqarani ilisimanninnginnini pissutigalugu akitsuutit akiligassanik angissusiliinermik suliaqarsinnaasimanngippat allanngortitsisinnaasimanngippalluunniit. Akileraaruseriffiup akitsuutinik akiliisussaatitaasup qanoq iliorneri pillugit ilisimannilerneraanit naliginnaasumilluunniit sissuernermigut ilisimannilersinnaaffianiit kingusinnerpaamik qaammatit arfinillit qaangiunneranni akileraaruseriffik akitsuutit akiligassanik angissusiliinermik suliaqarnissaq allanngortitsinissarluunniit pillugu ilimasaarummik § 12, imm. 1-imi taaneqartumik nassiuissaqassaaq. Akitsuutit akiligassanik angissusiliinermik suliaqarneq allanngortitsinerluunniit kingusinnerpaamik pissaaq ilimasaarutip § 12, imm. 1-imi taaneqartup nassiuunneraniit qaammatit arfinillit qaangiunneranni.

Imm. 2. § 51, imm. 2-mi piffissarititaq apeqqutaatinnagu akitsuutinik akiliisussaatitaasoq paasissutissanik piviusunik eqqartuussivikkulluunniit upternarsarneqartunik, akitsuutinik akiliisussaatitaasup akitsuutit akiligassaanik allannguinissamut tunngaviusinnaasunik saqqummiussisinnavoq, akitsuutinik akiliisussaatitaasoq pisuussuteqarani ilisimanninnginnini pissutigalugu paasissutissanik taakkuninnga siusinnerusukkulli saqqummiussisinnaa simanngippat, tak. Akiligassat ilaasa nutaanngilisarnerat pillugu inatsimmi nr. 274, 22. december 1908-meersumi § 3. Akitsuutinik akiliisussaatitaasup paasissutissanit

saqqummiutissavai, akitsutinik akiliisussaatitaasup pissutsinik piviusunik eqqartuussivikkulluunniit uppernarsarneqartunik, akitsutinik akiliisussaatitaasup akitsuutitut akiligassaasa allangortinneqarnissaannut tungaviusinnaasunik ilisimannilerneraniit naliginnaasumilluunniit sissuernermigut ilisimannilersinnaaffianiit kingusinnerpaamik qaammatit arfinillit qaangiunneranni.

Kapitali 12

Isumakkeerineq

§ 53. Akileraarutinut akiligassat, erniat, akiliisitsissutit eqqartuussinertaqanngitsumillu pillaammik akiliisitsissutit isumakkeerneqarsinnaapput, akiligassalik akiitsuminik akiersuisinnaannginnerminik ukiunilu qaninnerni taamaaliorssinnaassannginnerminik uppernarsaappat, aammalu ilimagineqarpat isumakkerineq akiligassallip aningaasaqarneranik ataavartumik pitsangortitsissasoq. Taamatuttaaq aningaasat inuit, selskabit pisortanut akiligassaminnik akiliinnginnerisigut taartaallutik akiliisussaatitaasut akiligassaat isumakkeerneqarsinnaapput.

Imm. 2. Isumakkeerineq nalinginnaasumik pisinnaanngilaq:

- 1) akiligassallip aningaasaqarnera erseqqissumik paasineqarsimannngippat,
- 2) akiligassalik aningaasanut tungasuni mianersuaalliorsimappat, matumani soorlu akiitsut annikinngitsut
 - a) piffissami akiligassallip aningaasatigut pisussaaffimminik naammassinnissinnaanngiffiani pilersinnejqarsimappata,
 - b) akiligassallip aningaasatigut pisussaaffimmik, akiligassallip aningaasaqarneranut naapertuutinngitsumik tigusisimaneratigut pinngorsimappata,
 - c) nalinginnaq atornissaat siunertaralugu pilersinnejqarsimappata, imaluunniit
 - d) pisortanut akiitsuuppata alliartuinnavissimasut.
- 3) akiitsut annikinngitsut pinerlunnikkut taarsiussanngortitaanikkulluunniit akiligassanngorsimappata,
- 4) akiligassalik akiitsuminik akiersuisinnaasimagaluarluni akiersuisimannngippat,
- 5) akiligassalik isumakkeerisoqarnissaa siunertaralugu iliuuseqarsimappat, imaluunniit
- 6) akiligassalik isumakkeerisoqarnissaanik suliassap aallartinneqarnerata kingorna pisortanut nutaanik akiitsoqalerpat.

Imm. 3. Imm. 2, malillugu aalajangiinermi isiginiarneqassapput akiitsut pisoqaassusiat kiisalu akiligassallip akiitsui pisortanuinnaq pisortanuinnangajlluunniit akiligassaanersut.

Imm. 4. Imm. 2, apeqqutaatinngagu isumakkeerinissaq itigartitsissutigineqarsinnaavoq pisut allat tamakkiisumik ilaannakuusumilluunniit isumakkeerinissamut akerliulluinnartut atuuppata.

Imm. 5. Akiligassallit imm. 1 malillugu isumakkeeriffigineqarsinnaasut taamaallaat tassaapput inuit, taamaattorli tak. imm. 6.

Imm. 6. Aammattaaq pissutsit immikkut illuinnartut isumakkeerinissamut tunngavissaqartitsippata taamaaliornissaq inunnut, selskabinut, peqatigiiffinnut, suliffeqarfinnut imminut pigisunut, aningaasaateqarfinnut assigisaannulluunniit nalunaarutigineqarsinnaavoq.

§ 54. Isumakkeerineq akiligassallip akiitsuinik akiligassajunnaarsitsinissamik appartisinissamilluunniit siunertaqarsinnaavoq. Appaanermut atatillugu aalajangersaasoqarsinnaavoq akiitsut ilaat isumakkeerneqanngitsut akilerneqarnissaat kinguartinneqassanersoq imaluunniit naafferartumik

akilersorneqassanersut. Akiitsut piffissami kinguartitsiviusumi imaluunniit naafferartumillu akilersuiffiusumi ernialersorneqassanngillat.

§ 55. Isumakkeerineq atortussajunnaarsinnejarsinnaavoq akiligassalik:

- 1) isumakkeerinissamik suliamut atatillugu ilumuunngitsuliornermut pisuusimappat, imaluunniit
- 2) akiitsut ilaasa isumakkeerneqanngitsut akilersornissaannut atatillugu pisussaaffimminik annertuumik sumiginnaappat.

Kapitali 13

Digitaliusumik attaveqaqatigiinneq

§ 56. Akileraartarnermut tunngasuni pisortat ingerlatsiviisa saaffiginninnerini pisortallu ingerlatsiviinut saaffiginninnerni digitaliusumik attaveqaqatigiinnissamut, matumani aamma ileqqussat qanoq ittuunissaannik inatsisini piumasaqaatit digitaliusumik attaveqaqatigiinnissamut akornutaasut avaqqunnissaannut maleruagassat Naalakkersuisut aalajangersarsinnaavaat.

Imm. 2. Akileraartarnermut tunngasuni uppermarsaatnik atsiornertaqanngitsunik imaluunniit atsiornernik maskiinakkut nuussivigineqarsimasunik sanasoqartarnissaanut maleruagassat Naalakkersuisut aalajangersarsinnaavaat, taamaallituk uppermarsaatit taamaattut inatsisit eqqarsaatigalugit inuup nammineerluni atsioreratut sanilliunneqarsinnaasunngorlugit.

Immikkortoq V

Misissuineq

Kapitali 14

Paasissutissanik il.il. takunnissinnaaneq

§ 57. Akileraaruseriffiup uppermarsaatissat qinnutigisinnaavai kiisalu akileraartussaatitaasoq isumaqatigiinniarnissamut aggersarsinnaallugu.

§ 58. Inuuussutissarsiummik ingerlatsisoq naatsorsuusiortoq kinaluunniit, inuuussutissarsiummik ingerlatsisoq inatsisit naapertorlugit naatsorsuusiortussaatitaaguni naatsorsuusiortussaatitaanngikkuniluunniit akileraaruseriffiup qinnuiginninneratigut pisussaavoq ukiunut siusinnerusunut ukiumullu naatsorsuusiorfiusumut pineqartumut naatsorsuutiminik bilagitaannillu aammalu pappialanik allanik akileraarusiinermut, matumani aamma nunamut maanga akileraartussaatitaaneq pillugu aalajangiinissamut, aammalu akitsuutinut akiligassanik angissusiliinissamut pingaaruteqarsinnaasunik nassiussissalluni. Nassiussisussaatitaanermi aamma ilaapput akileraartussaatitaasup akitsuutinilluunniit akiliisussaatitaasup Danmarkimi, Savalimmuni nunaniluunniit allani suliffeqarfiutanut naatsorsuutit ilaallu ilanngullugit.

Imm. 2. Imm. 1-imi taaneqartutut pisussaavoq kinaluunniit inatsisit malillugit inuttut isigineqarsinnaasoq kinaluunniillu akitsuutit akilernissaannut akisussaasoq, inuuussutissarsiummik ingerlataqartuugunik ingerlataqartuunngikkunilluunniit.

Imm. 3. Naatsorsuutit ilaallu ilanngullugit inummi pingajuusumiippata taanna, taakkuninnga tunniussinngikkallarsinnaatitaagaluaruniluunniit, qinnuigineqarnermigut paasissutissanik akileraaruseriffimmut, taamaaliorqarpal naatsorsuutit atorneqareerneranni inummut pingajuusumut pineqartumut utertitsisussamut tunniussissaq.

Imm. 4. Akileraaruseriffik, tamanna pisariaqarsoriguniuk, qaqugukkulluunniit kinaassutsimut piissusissamisoortumik uppernarsaateqarluni eqqartuussivimmit akuerineqaqqaangikkaluarluni inuussutissarsiummik ingerlatsisut imm. 1-im 2-milu, taaneqartut sumiiffiinut kiisalu suliffinnut inuussutissarsiummik ingerlataqartup iniutaasa avataaniittunut, matumaniaamma inuussutissarsiummut atatillugu assartutaanut isersinnaatitaavoq, taakkulu naatsorsuutaannik bilagiinillu allagaatinillu allanik, akileraarusiinissamut akitsuutilluunnit angissusilernissaannut pingaaruteqarsinnaasunik misissuisinnaalluni aammalu karsimiittuutaannik assigisaannillu naatsorsuutaannik. Maleruagassat taakkuttaaq malillugit akileraaruseriffik inuussutissarsiummik ingerlataqartumut isersinnaatitaavoq toqqorsivimmi uninngasuutinik, uumasuutinik, pequtinik, maskiinanik ingerlatsinermullu atortunik allanik naatsorsuiartorluni naliliartorlunilu. Piginnittup taassumalu sulisuisa akileraaruseriffik misissuinerani pisariaqartitsinera malillugu ilitsorsorlugulu ikiussavaat. Misissuinerli oqaaseqatigiinni siullerni taaneqartoq inini namminerisamik najugaqarfinni sunngiffimmiluunniit najugaqarfinni ingerlanneqarsinnaanngilaq.

Imm. 5. Naatsorsuutit pillugit paasissutissat ilaallu ilanngullugit taaneqartut elektroniskiusumik nalunaarsorneqarsimappata pisortat paasissutissanik taakkuninnga takunnissinnaatitaanerat aamma elektroniskiusumik takunnissinnaatitaanermik imaqarpoq.

Imm. 6. Imm. 1 imaluunniit 2, tak. imm. 5, malillugu qinnuiginninneq malikkumaneqanngippat akileraarutinik angissusiliineq missingersuinikkut pisinnaavoq.

Imm. 7. Akileraaruseriffiup misissuinerrik imm. 4-mi, taaneqartumik naammassinninnissaani politiit ikiuttussaapput maleruagassat Inatsisinik atortitsinermi ministereqarfiup Naalakkersuisullu isumaqatigiissutigisamaat malillugit.

§ 59. Suliffeqarfiuteqarnermigut akileraaruseriffimmut nalunaaruteqartartussap paasissutissanut nalunaarutigineqartussanut tunngavissat, naatsorsuuserinermet inatsimmi naatsorsuutinut tunngasunik ilaallu ilanngullugit toqqortaqaarnissaq pillugu maleruagassat malillugit toqqortarissavai.

Nalunaaruteqartussaatitaasoq aamma naatsorsuusiortussaatitaappat, aammalu paasissutissat nalunaarutigineqartussat naatsorsuusiortussaatitaasup naatsorsuutaanut ilaappata, naatsorsuutit ima aaqqissugaassapput paasissutissat nassiunneqarsimasut naatsorsuutinut naligiissinneqarsinnaassallutik.

Imm. 2. Nalunaaruteqartussaatitaasup akileraaruseriffimmit qinnuigineqarnermigut atortut paasissutissanut nalunaarutigineqartussanut tunngaviusut nassiuressavai.

Imm. 3. Akileraaruseriffik, tamanna pisariaqarsoriguniuk, qaqugukkulluunniit kinaassutsimut piissusissamisoortumik uppernarsaateqarluni eqqartuussivimmit akuerineqaqqaangikkaluarluni nalunaaruteqartussaatitaasut sumiiffiinut isersinnaatitaavoq, atortullu tassani misissorsinnaallugit. Piginnittup taassumalu sulisuisa akileraaruseriffik misissuinerani pisariaqartitsinera malillugu ilitsorsorlugulu ikiussavaat.

Imm. 4. Paasissutissat imm. 1-im 1 taaneqartut elektroniskiusumik nalunaarsugaappata, akileraaruseriffiup paasissutissat tassani nalunaarsorneqarsimasut elektroniskiusumik takunissaat ammaassiffigineqassaaq. Akileraaruseriffiup misissuinermini qulakkeersinnaavaa paasissutissat atortuniittut pissarsiarinissaat.

Imm. 5. Akileraaruseriffiup misissuinerterik imm. 3-mi, taaneqartumik naammassinninnissaani politiit ikiuuttussaapput maleruagassat Inatsisiniq atortitsinermi ministereqarfiup Naalakkersuisullu isumaqatigiissutigisamaat malillugit.

§ 60. Inuit selskabip aningasaataasa minnerpaamik 25 procentiiniq pigisallit imaluunniit selskabimi taasisinnaassutsip tamarmiusup 50 procentia sinnerlugu taasisinnaassusillit aningasanut tunngasutigut isumaqatigiissutit pingaarutillit, selskabip pineqartup sunniuteqarfingisaata pineqartullu nammineq imaluunniit katissimallugu aapparisaata, pineqartup piffissami isumaqatigiissutit isumaqatigiissutigineqarfianni inooqatigisaata akornanni isumaqatigiissutaasimasut allanngortinneqarsimasulluunniit pillugit paasissutissiisussaanera akileraaruseriffiup aalajangersinnaavaa. Inunnut, aningaasarsianit akileraarutit pillugit inatsimmi § 2 naapertorlugu tamakkiisumik akileraartussaatitaanngitsunut tunngatillugu paasissutissat taamaattut tunniunneqassapput akileraartussaatitaasup selskabi nunami maani angerlarsimaffeqartoq sunniuteqarfingippagu. Tamanna aamma atuuppoq inunnut tamakkiisumik akileraartussaatitaasunut, marloriaammik akileraannginnissaq pillugu isumaqatigiissut naapertorlugu Danmarkimi, nunani allani Savalimmiuniluunniit angerlarsimaffeqartutut isigineqartussanut (marlunniq angerlarsimaffeqarneq).

Imm. 2. Paasissutissat tunniunneqarnissaannut akileraaruseriffik piffissaliisinnavaoq. Illuatungerisamit qinnuivigineqarneq tunngavigalugu akileraaruseriffiup piffissarititap sivitsorneqarnissaanik aalajangiisinnavaoq. Paasissutissat piffissami akileraaruseriffiup aalajangersagaani tiguneqarsimannngippata angissusiliineq missingersuinikkut pisinnaavoq.

§ 61. Akileraaruseriffiup Naalakkersuisut erseqqinnerusumik aalajangersagaat malillugit paasissutissat inuit inatsisilluunniit malillugit inuttut isigineqarsinnaasut aningaasarsiornerannut inuussutissarsiornerannulluunniit tunngasut, akileraarutit naatsorsornissaannut imaluunniit Kalaallit Nunaanni Namminersorlutik Oqartussanut kommuninulluunniit akiligassat akilersinniarneqarnissaannut annertuumik pingaaruteqarsinnaasorineqartut, pisortatut oqartussaasunit allanit elektroniskiusumik piniarsinnaavai nalunaarsukkat ataatsimoortinnissaat siunertaralugu. Oqartussaasut paasissutissanut nalunaarsorneqartunut akisussaasut akileraaruseriffiup paasissutissanik takunnissinnaaneranut atatillugu aningaasartuutit akilissavaat.

§ 62. Akileraarutit pisortanullu akiliutaasartut allat pillugit inatsisiniq unioqqutitsisoqarsinnaanera pinngitsoortinniarlugu akileraaruseriffik inuit inatsisillu malillugit inuttut isigineqarsinnaasut pisortanut akileraarutitigut annertuunik annasaqaataasimasut annaasaqartitseriaraluarsimasulluunniit nalunaarsorneqarfissaannik pilersitsisinnavaoq.

Imm. 2. Nalunaarsuisoqassanngilaq nalunaarsukkanilluunniit toqqortarinniinnartoqassanngilaq nalunaarsorneqarnissamut pissutaasup paasineqarneraniit ukiut tallimat qaangitereerneranni.

§ 63. Kinaluunniit inuussutissarsiummik namminersorluni ingerlataqartoq, matumani aamma isumaqatigiissaasartut akitsorterinkkullu tuniniaasarfinni pisortat peqquneqarunik pisussaapput inuussutissarsiutinik ingerlatalinnik allanik aqqisigut taasanik niueqatiginissimanermikkut taakkuluunniit sinnerlugin niueqatiginissimanermikkut isertitarisimasatik, imaluunniit inuussutissarsiutinik ingerlatalinnik allanik aqqisigut taasanik sullisisimanitik taakkuluunniit sinnerlugin sullisisimanitik

pillugit paasissutissanik akileraaruseriffimmut tunniussaqassallutik.

Imm. 2. Nioqquissiornermik, pisiortornermik tuniniaanermilluunniit siunertalimmik peqatigiiffinnut inuussutissarsiorfeqarfinnullu taakkua assigisaannut tunngatillugu paasissutissiisutigineqartussanut, tak. imm. 1, aamma ilaapput kattuffiup ingerlatat pineqartut eqqarsaatigalugit ilaasortaminut isumannaagassai. Paasissutissat imatut piumaneqarsinnaapput:

- 1) niueqatigiinnerup sulialluunniit suunera,
- 2) nioqquissat tunineqartut amerlassusii,
- 3) akissarsiat annertussusiat,
- 4) tunisinerup sulialluunniit suliarineqarsimanerata qanga pisimanera, kiisalu
- 5) akissarsiat qanga qanorlu ilillutik tunniunneqarsimanerat.

Imm. 3. Taamaaliornissamut tunngavissaqarsorinarpat Naalakkersuisut pisuni ataasiakkaani aalajangersinnaavaat, paasissutissat taamaattut aammattaaq piumasarineqarsinnaassasut inuussutissarsiummik ingerlataqartut aqqisigut taaneqanngitsut eqqarsaatigalugit isumannaagassanut tunngatillugu.

§ 64. Pisortatut oqartussaasut aamma selskabit, piginneqatigiilluni umiarsuaatileqatigiiffit, peqatigiiffit, iluaqtissiuiffit, aningaasaatit aalajangersimasunut atugassangortitat suliffeqarfillu allat qinnuigineqarnermikkut akileraaruseriffik paasissutissanik, akileraaruseriffiup akileraarusiinissamut akitsuutinillu angissusiliinissamut pingaaruteqarsorsaanik tamanik tunissavaat. Taamaattorli inuit inatsisillu malillugit inuttut isigineqarsinnaasut aqqisigut taaneqanngitsut pillugit paasissutissat taamaallaat Naalakkersuisut aalajangersaanerat malillugu tunniunneqassapput.

§ 65. Aningaaseriviit, sparekassit, andelskassit, aningaasanik nioqquillit, vekselnik nioqquillit, eqqartuussissuserisut allallu aningaasanik nakkutigisassaqartut tigusaqartartulluunniit inuussutissarsiutigalugu aningaasanik taarsigassarsisitsisartut akileraaruseriffiup piumasaqarneratigut pisussaapput paasissutissiisutigissallugit inuit inatsisillu malillugit inuttut isigineqarsinnaasut aqqisigut taaneqartut:

- 1) aningaasanut katersukkanut ilanngussaat, taarsigassarsiaat, peqqumaataat imaluunniit aningaasanik toqqorsivii,
- 2) taarsigassarsiaasa qanoq atsignerat, toqqortaasa qanoq atsignerat imaluunniit aningaasat nakkutigisarisaasa taakkualu iluanaarutigitittagaasa qanoq atsignerat,
- 3) aningaasanut katersukkanut taarsigassarsianulluunniit kontuisa allangorarneri, matumani aamma paasissutissat checkinut tiguneqarsimasunut ilineqarsimasunulluunniit tunngasut,
- 4) vekselit aningaaserivinnut tunisimasaat (diskonterede) aammalu
- 5) taarsigassarsianut akiitsortisinernullu qularnaveeqquisiineri.

Imm. 2. Inuit inatsisillu malillugit inuttut isigineqarsinnaasut aqqisigut taaneqanngitsut eqqarsaatigalugit Naalakkersuisut aalajangiinerat malillugu piumasarineqarsinnaapput paasissutissat aningaasanut uninngasutinut imaluunniit nakkutigisanut taakkualu iluanaarutigititaannut tunngasut, piginnittup immaqalu tamatuma saniatigut qanoq iliuuseqarsinnaatitaasup inuttut normua, aqqa najugaalu taallugit.

Imm. 3. Akileraaruseriffik Naalakkersuisut aalajangersagaat malillugu, inuit inatsisillu malillugit inuttut isigineqarsinnaasut aqqisigut taasat taaneqanngitsullu akileraarutinut tunngatillugu misileraanikkut misissuiffingineqarnissaat siunertaralugu aningaaserivinnut, sparekassinut, andelskassinut, aningaasanik

nioqquutilinnut, vekselinik nioqquutilinnut eqqartuussissuserisunullu isersinnaatitaavoq taakkulu suleqatigalugit tassani naatsorsuutinik, bilaginik allagaatinillu misissuisinnaalluni. Akileraaruseriffiup misissuinermini qulakkeersinnaavaa paasisstutissat imm. 1-imi taaneqartutut ittut pissarsiarinissaat.

§ 66. Aningaaserivinni sparekarsinilu kontunut atatillugu aammalu kontunit aningaasanik akiliutigineqartunit pissarsisut, § 65, imm. 1 aamma 2 malillugu akileraaruseriffiup paasisstutissiinissamik piumasaqarfisinaasai eqqarsaatigalugit, akileraaruseriffik aalajangiisinjaavoq piffissamit aalajangerneqartumiit qaammatini arfinilinni kontut atorneqassangitsut, piginnittup aqqa najugaalu akiliiffigineqartup erseqqissumik ilisimanngippagu, kontop matuneqarneraniit siulermik atuisinnaasup kinaassusianik akileraaruseriffiup aalajangersaaganik tunniussisoqarsimatinngagu piginnittuuneq nalunaarutigineqarsimannngippat.

Imm. 2. Akileraaruseriffik aalajangiisinjaavoq kontot taamaattut akileraaruseriffiup piginnittuinik ilisimasaqarfingisai minnerpaamik ukioq ataaseq matoqqatinneqassasut. Kontot matoqqatinneqarnissaanut piffissarititap aalajangersakkap qaangiunnerani nalunaarutigineqarsimannngitsut piginnittumillu upternarsaaffigineqannngitsut taassuma kingorna akileraaruseriffimmut nalunaarutigineqassapput. Kontot taamaattut qaammatinik arfinilinnik periarfissiilluni tamanut nalunaaruteqareernermei aammalu tunngavissaqartumik maalaaruteqartoqanngippat nunap karsianut pisassangortinneqassaput.

Imm. 3. Kisianili immikkut pisoqartillugu taamatut arsaarinninnginnissamut akileraaruseriffik immikkut akuersissuteqarsinnaavoq imaluunniit aningaasat arsaarinnissutaasimasut taarserneqarnissaat akuersissutigisinjaallugu.

§ 67. Inatsimmi uani akileraarutissanik annertussusiliinissamut atugassanik akileraaruseriffik paasisstissanik piumasaqarsinnaatillugu, Akileraarusiinernik aalangiisartuni naammagittaalliutit suliarinerannut atatillugu aamma taamatut pisinnaatitaaffeqarpoq.

Missingersuinikkut angissusiliineq

§ 68. Inuuussutissarsiummik ingerlataqartup naatsorsuusiortartup akileraarutinut akiligassaasa annertussusiat inuuussutissarsiummik ingerlataqartup naatsorsuutai tunngavigalugit naatsorsorneqarsinnaanngippat, inuuussutissarsiummik ingerlataqartup akileraarutinut akiligassai akileraaruseriffiup missingersuinikkut angissusilersinnaavai. Aamma akileraarutinut akiligassat annertussusiat akileraaruseriffiup missingersuinikkut angissusilersinnaavaa inuk inatsisilluunniit malillugit inuttut isigineqarsinnaasoq nammineerluni nalunaarsummik nalunaarummilluunniit nassiussinngippat imaluunniit nammineerluni nalunaarsuut nalunaarulluunniit upternarsarneqarsinnaanngippat pisusissamisoortumilluunniit takussutissaqartinneqanngippat.

Paasisstissanik ingerlatitseqqiineq

§ 69. Nuna tamakkerlugu kommunalbestyrelsit paasisstissanik akileraaruseriffiup nalunaarsugaanik elektroniskiusumik takunnissinnaanissaat pillugu maleruagassat Naalakkersuisut aalajangersarsinnaavaat, paasisstissat kommunalbestyrelsit maleruagassat sukkulluunniit atuuttut naapertorlugit suliassanik

isumaginninnissaannut pisariaqartillugit. Pisortat allaffeqarfíni sulianik ingerlatsinermut Inatsisartut inatsisaanni §§-ini 29-31-imut maleruaqqusat naapertorlugit paassisutissanik aallersinnaalernermut periarfissiineq tassanilu piumasaqaatit malillugit taamaallaat pisinnaallunilu pisassaaq.

Imm. 2. Akileraaruseriffiup paassisutissanik ingerlatitseqqiinissaq itigartitsissutigisinnaavaa imaluunniit paassisutissanik pissarsisinnareerneq unitsissinnaallugu, paasineqarpat malittarisassat qaqgukkulluunniit atuuttut naapertorlugit kommunalbestyrelsip sulisanik isumaginninnissaannut siunertat saniatigut paassisutissat siunertanut allanut atornerlunneqartut.

Immikkoortoq VI

Naammagittaalliorneq aamma eqqartuussivimmut suliassanngortitsineq

Kapitali 15

Akileraarusiinernik aalajangiisartunut naammagittaalliorneq

§ 70. Kinaluunniit suliassamut sutigulluunniit attuumassuteqartoq, toqqaannartumik aammalu naammagittaaliutaasumut inuttut namminerisamik inatsisitigut aalajangiinermi soqtigisaqartoq, Akileraarusiinernik aalajangiisartunut naammagittaalliuuteqarsinnaavoq.

§ 71. Akileraarusiinernik aalajangiisartunut naammagittaalliuut allakkatigoortoq tunngavilersugaasorlu nassiunneqassaaq. Naammagittaalliuut Akileraarusiinernik aalajangiisartunut tiguneqarsimassaaq aalajangiinerup naammagittaalliuutigineqartup tiguneranit kingusinnerpaamik qaammatit pingasut qaangiunneranni. Naammagittaalliuut piffissarititap qaangiutereerneratigut nassiunneqartoq itigartinneqassaaq. Pissutsilli immikkut ittut atuutsillugit piffissarititamik qaangiisimaneq Akileraarusiinernik aalajangiisartut soqtiginngissinnaavaa.

Imm. 2. Akileraarusiinernik aalajangiisartut aalajangitinnatik akileraaruseriffik naammagittaalliuut pillugu oqaaseqaateqartissavaa. Oqaaseqaat peqquneqarlni ullormi qinnuigineqarnermit tigusiffiusumit ullut 14-it qaangiutsinnagit tunniunneqassaaq. Taamaattorli Akileraarusiinernik aalajangiisartut piffissarititaq sivitsorsinnaavaa akileraaruseriffiup tamanna qinnutigippagu, aammalu pissutsit aalajangiinermut naammagittaalliuutigineqartumut pissutaasut taamaaliornissamut pissutissaqartitsippata.

Imm. 3. § 11, imm. 1-imuit 3-mut aalajangersakkat taamatulli atuupput Akileraarusiinernik aalajangiisartut naammagittaalliuummik suliaqarnerani.

Imm. 4. Suliap saqqummiunneqarneranut atatillugu tusarniaanermi ilisimatitsissutigineqassaaq suliassamut attuumassuteqartut aammattaq Akileraarusiinernik aalajangiisartunut allaganngorlugu oqaasiinnakkulluunniit oqaaseqarsinnaatitaasut. Akileraarusiinernik aalajangiisartut oqaaseqaatip nassiunneqarnissaanut piffissarititamik aalajangiisinnaavoq.

Imm. 5. Naammagittaalliuutip oqaasertalersugaanera apeqqutaatinnagu Akileraarusiinernik aalajangiisartut aningaasarsianik akileraaruteqaataasussanik assigisaannullu allanguutinik allanik aalajangiisinnaavoq.

§ 72. Akileraaruseriffik naammagittaalliuut tunngavigalugu pissutissaqarsonnikkuni, tamannalu naammagittaalliorumit isumaqataaffigineqarpat aalajangiinermik suliarinneqqissinnaavoq.

§ 73. Akileraarusiinernik aalajangiisartut suliassaq Akileraarusiinernik aalajangiisartunit aalajangiiffigineqareersoq itigartinneqareersorluunniit naammagittaallortup akileraaruseriffulluunniit qinnuteqarneratigut suliareqqissinnaavaa, suliap suliarineqarnerani paasissutissanik saqqummiunneqareersimanngitsunik Akileraarusiinernik aalajangiisartunut saqqummiussisoqarpat, aammalu isumaqartoqarpat paasissutissat nutaat siusinnerusukkut saqqummiunneqarsimasuugunik Akileraarusiinernik aalajangiisartut aalajangiinerata allaanerungaatsiartumik inerneqarneranik kinguneqarsimassagaluartut.

Imm. 2. Suliareqqiinissamik qinnuteqaat Akileraarusiinernik aalajangiisartunut imm. 1-imi, piumasaqaatit naammassineqarsimanngikkaluarpataluunniit akuerisinnaavaa, Akileraarusiinernik aalajangiisartut isumaqarpat pissutsit immikkut illuinnartut tamanna pissutissaqartikkaat.

Imm. 3. Imm. 1 aamma 2, naapertorlugit suliareqqiisoqarnissaanik qinnuteqaatit allakkatigoortut tunngavilersugaasullu Akileraarusiinernik aalajangiisartunut nassiunneqassapput. Qinnuteqaat piffissarititaasut § 47, imm. 1-imi 2-milu aamma § 51, imm. 1-imi 2-milu taaneqartut qaangiutinnginneranni tiguneqarsimassapput.

Imm. 4. Akileraaruseriffiup suliareqqiinissamik qinnuteqaataa Akileraarusiinernik aalajangiisartut, pissutsit immikkut illuinnartut tamanna pissutissaqartippassuk akuerisinnaavaa, piffissarititaasut imm. 3-miittut qaangerneqarsimagaluarpataluunniit.

Kapitali 16

Eqqartuussivimmuit suliassannortitsineq

§ 74. Inatsisini allani allatut aalajangersagaqanngippat akileraaruseriffiup § 2-mi taaneqartunut tunngasumik aalajangigaa aatsaat eqqartuussivinnut suliassangortinneqarsinnaavoq aalajangiineq Akileraarusiinernik aalajangiisartunut suliarineqareerpat itigartitsissutigineqareerpalluunniit, taamaattorli tak. imm. 3. Suliassiissutigineqartut tassaapput Naalakkersuisut.

Imm. 2. Akileraarusiinernik aalajangiisartunut imm. 1, malillugu aalajangigai akileraartussaatitaasumit Kalaallit Nunaanni Eqqartuussivimmuit suliarinntussamut siulliusumut suliassiissutigineqarsinnaapput, aalajangiinermiit qaammatit arfinillit qaangiuttsinnagit. Immikkut pissutissaqartillugu Kalaallit nunaanni eqqartuussiviata suliassiineq pisinnaatissinnaavaa taamaaliornissamut piffissarititaasoq qaangerneqarsimagaluarpalluunniit.

Imm. 3. Suliassap Akileraarusiinernik aalajangiisartunut suliassiissutigineqarneraniiit qaammatit aqqaneqmarluk qaangiuttereersimappata suliassaq, Akileraarusiinernik aalajangiisartut aalajangiisimanngikkaluarpalluunniit Kalaallit Nunaanni Eqqartuussivimmuit suliarinntussamut siulliusumut suliassiissutigineqarsinnaavoq.

Imm. 4. Apeqqummik nutaamik eqqartuussinerup ingerlanerani ilanngussisoqarsinnaanera eqqartuussiviup akuersissutigisinnaavaa, tamanna apeqqummut eqqartuussinermi tunngaviusumut erseqqissumik attuumassuteqarpat, aammalu apeqqutip siusinnerusukkut ilanngunneqarsimannginnera pissutissaqavissorineqarpat, imaluunniit akuerineqarnissamik itigartitsinissaq suliamut attuumassuteqartup eqqartuussivikkut naapertuutinngitsumik ajorsartitaanissaanik kinguneqassangatinneqarpat.

§ 75. Akileraarusiinernik aalajangiisartut aalajangigai, Akileraarusiinernik aalajangiisartut aalajangiineraniit kingusinnerpaamik qaammatit arfinillit qaangiunneranni Naalakkersuisunit Kalaallit nunaata eqqartuussiviannut naammagittaalliuutigineqarsinnaapput.

Imm. 2. Imm. 1-imi aalajangersagaq, aningaasarsianit akileraarutit pillugit Inatsisartut inatsisaanni § 30, imm. 4, oqaaseqatigiit aappaanni, naapertorlugu Akileraarusiinernik aalajangiisartutaalajangigaanut atuutinngilaq.

Kapitali 17

Naammagittaalliornermut atatillugu kinguartitsineq

§ 76. Angissusiliineq pillugu naammagittaalliorneq naammagittaalliorup akileraarutit akiligassanngorfini akiliinnginnissaanut tunngavigineqarsinnaanngilaq.

Imm. 2. Pissutsilli immikkut ittut pisariaqartippassuk akileraarutit ilaannik naammagittaalluummut tunngasunik akiliinissap tamakkiisumik ilaannakortumilluunniit kinguartinnejarnissaanik qinnuteqartoqarneratigut Akileraarusiinernik aalajangiisartunut akuersissuteqarsinnaavoq. Akileraarusiinernik aalajangiisartunut aalajangiinera allaffisornermi pisortanut allanut naammagittaalliuutigineqarsinnaanngilaq.

Imm. 3. Akileraarutit akilerneqarnissaannik tamakkiisumik ilaannakortumilluunniit kinguartitsinissamik qinnuteqaammik nassiussisoqarneratigut akileraaruseriffiup aalajangersinnaavaa, akileraarutit ilaat kinguartitsinissamik qinnuteqaammut tunngasut akiligassiissutigineqarnissaat unitsikkallarneqassasoq Akileraarusiinernik aalajangiisartunut qinnuteqaat pillugu aalajangiinissaata tungaanut.

Imm. 4. Kinguartitsineq ukiunit sisamanit sivisunerusinnaanngilaq. Akileraarusiinernik aalajangiisartut kinguartitsinissami piumasarisinnaavaa aningaasat akiligassatut kinguartinnejartut isumannaatsumik qularnaveeqquserneqassasut.

Imm. 5. Kinguartitsinissamik nalunaaruteqartoqarsimagaluarpalluunniit akiligassat kinguartinnejartutut nalunaarutigineqarsimasut tamakkiisumik ilaannakortumilluunniit matussuserneqarnissaat siunertalarugu, naammagittaalliorup pisortanit pisassariunnagai ilanngaaffigineqarsinnaapput tamakkerlugilluunniit tiguneqarsinnaapput.

Kapitali 17 a

Oqartussaqarfimmut allamut maalaaruteqarneq – aalajangiinermik naammagittaalliateqarneq

§ 76 a. § 1 naapertorlugu akileraaruserinermut ingerlatsiviup oqartussaaffigaani aalajangererit, § 2 naapertorlugu suliad Akileraarusiinernik aalajangiisartunut maalaarutigineqarsinnaagaangata, allaffisornermi oqartussaqarfimmut allamut naammagittaalliuutigineqarsinnaanngillat. Tamanna aalajangererup pisinnaatitsineq naapertorlugu pisimagaluarangalluunniit atuuppoq.

Imm. 2. Akileraaruseriffiup sulisunut tunngatillugu suliassani, arsaarinnissuteqarnissaq pineqaatissiinissarluunniit pillugit suliassani aalajangiineri kiisalu allagaatinik takunnissinnaatitaaneq pillugu aalajangiineri allaffissornikkut oqartussaasumut allamut maalaarutigineqarsinnaanngillat

Immikkoortoq VII

Pineqaatissiinerit

Kapitali 18

Pineqaatissiinerit

§ 77. Kinaluunniit piaaraluni mianersuaalliorujussuarluniluunniit akileraarutit annertussusilernissaannut atugassanik eqqunngitsumik paasinerluutaasinnaasumilluunniit paasissutissiisoq Kalaallit Nunaanni pinerluttulerinermut inatsit naapertorlugu pineqaatissinneqarsinnaavoq.

§ 78. Taamatut aamma § 77-imi taaneqartutut pineqaatissinneqassaaq kinaluunniit § 13, imm 6 imaluunniit § 14 malillugu qinnuteqaatinut aalajangersakkat taakkunani taaneqartunut malillugit aalajangiinissamut atugassanik piaaraluni imaluunniit mianersuaalliorujussuarluni eqqunngitsunik paasinerluutaasinnaasunilluunniit paasissutissiisoq.

§ 79. Kinaluunniit, Iliuuseq § 80-mi pineqartunut ilaangikkaluartoq, akileraaruserneqarnissani pinngitsoorniarlugu piaaraluni nammineerluni nalunaaruummik nassiuussinngitsoq pillaammik Kalaallit Nunaanni pinerluttulerinermut inatsit naapertorlugu pineqaatissinneqarsinnaavoq.

§ 80. Kinaluunniit missiliuussinikkut annikippallaamik aningaasarsianik akileraaruteqaataasussanik aalajangiiffiqeqarsimasoq aammalu annertussusiliinermik nalunaarfigineqarsimasoq nalunaarfigineqarnermit sap. ak. sisamat qaangiutsinnagit pisortanut akileraarusiisartunut tamanna pillugu nalunaaruteqarsimannngitsoq akiliisitaanermik pineqaatissinneqarsinnaavoq.

Imm. 2. Pisortanut akileraaruteqanngitsoorsumalluni piaaraluni imm .1-imi taaneqartutut iliorqeqarsimappat sukannernerusumik pillaammik Kalaallit Nunaanni pinerluttulerinermut inatsit naapertorlugu pineqaatissinneqarsinnaavoq.

Imm. 3. Imm. 1, malillugu unioqqutitsisoq aktiat anpartilluunniit tunngavigalugit ingerlatseqatigiiffit, piginneqatigiiffik, peqatigiiffik, suliffeqarfik imminut pigisoq, aningasaateqarfik taakkuluunniit assigisaat unioqqutitsisuppat pineqartoq piginneqatigiiffiup ingerlatseqatigiiffiusup tamatumunnga tunngassuteqartoq taamaattuuusutut akiliisitaanermik pineqaatissinneqarsinnaavoq.

§ 81. Kinaluunniit Naalakkersuisut § 18, imm. 1 naapertorlugu naatsorsuusiortussaanermik nalunaarutaannik naammassinninngitsoq imaluunniit taamaattunik naatsorsuusiornermi peqqissaanngippallaartoq imaluunniit naatsorsuutinik taakkuninnga bilaginillu § 18, imm. 4-mi peqqussutigineqartutut paaqqinninnermi peqqissaanngippallaartoq pillaammik Kalaallit Nunaanni pinerluttulerinermut inatsit naapertorlugu pineqaatissinneqarsinnaavoq.

§ 82. Akileraaruseriffik isumaqarpat unioqqutitsineq akiliisitaanermit sakkortunerusumik pineqaatissiinertariaqanngitsoq taava Naalakkersuisut taakkualuunniit taamaaliornissamut piginnaatitaata pineqartoq nalunaarfigissavaa suliassaq eqqartuussivikkoortitsinertaqanngitsumik naammassineqarsinnaasoq pineqartup ukioqqutitsisimanini nassuierutigippagu aammalu piffissaatitap erseqqinnerusumik aalajangikkap qinnuteqarnikkut sivitsorneqarsinnaasup qaangiutinnginnerani akiliutissamik nalunaarummi taaneqartumi akiliumappat.

Imm. 2. Paasisitsissut imm. 1-imi taaneqartoq pillugu eqqartuussisarnermut inatsimi kap. 5-imi

unnerluussutip allagartaata imarisai pillugit aalajangersakkat taamaallutik atuutissapput.

Imm. 3. Piffissaatillugu akiliisitaassut akilerneqarluniluunniit isumaqatigiissuteqaatigineqarneratigut tiguniarneqarsimappat qanoq iliuuseqartoqaaqqissanngilaq.

§ 83. Maleruagassiani inatsit manna naapertorlu atulersinnejqarsimasuni maleruagassiani aalajangersakkanik unioqqutitsinerit akiliisitaanermi pineqaaatissinneqarnissamik aalajangersaasoqarsinnaavoq.

Imm. 2. Maleruagassiani inatsit manna tunngavigalugu atulersinnejqartuni aktiat anpartilluunniit tunngavigalugit ingerlatseqatigiiffiup, piginneqatigiiffiup, peqatigiiffiup, suliffeqarfiup imminut pigisup, aningaasaateqarfiup taakkuluunniit assigisaasa unioqqutitsinerat pillugu akiliisitaanermi pineqaaatissiinissamut malittarisassat aalajangersarnejqarsinnaapput. Namminersorlutik Oqartussanit, kommuninit, kommunimiluunniit suleqatigiiffik unioqqutitsisuuppat Namminersorlutik Oqartussat, Kommunit, kommunimiluunniit suleqatigiiffik akiliisitaanermik pineqaaatissinneqarsinnaavoq.

§ 84. Politiit akileraartarnermi pisortanut ikuuttussaapput maleruagassiat Naalakkersuisut inatsisinilu atortitsinermi ministereqarfiup isumaqatigiinniarnerisigut aalajangersarnejqarsimasut malillugit.

§ 85. §§ 77-81 aamma § 83 najoqqtaralugit akiliutissangortitat landskarsip pisassarai.

Immikkoortoq VIII

Atueqatigiinnissamik, atuulersitsinissamik ikaarsaariarnermillu aalajangersakkat

Kapitali 19

Atueqatigiinnissamik aalajangersakkat

§ 86. Akileraaruseriffik ulloq 1. januar 2007 aallarnerfigalugu kommunit akileraaruserinermut atortuinik atuisinnaatitaavoq.

Imm. 2. Akileraaruseriffiup kommunit naatsorsuuserinerat akiliisitsiniarnerallu pillugit paasissutissanik, akileraaruseriffiup akileraartarnermut inatsisinik ingerlatsinermut pisariaqartuusorinninnera malillugu takunnissinnaanissa, matumani aamma elektroniskiusumik, kommunit periarfississavaat.

§ 87. Kommunit suliassaannik Inatsisartut inatsisaata uuma kingunerisaanik Kalaallit Nunaanni Namminersorlutik Oqartusanut nuussinissap ingerlannejqarnissaat pillugu maleruagassat Naalakkersuisut aalajangersarsinnaavaat. Matumani aamma suliassat pappialartaasa toqqortallu qanoq annertutigisut Kalaallit Nunaanni Namminersorlutik Oqartusanut nuunneqarnissaat Naalakkersuisut erseqqinnerusumik aalajangersarsinnaavaat.

§ 88. Aningaasarsianit akileraarutinut akiligassat inatsisip atuutilernera sioqqullugu akiligassanngorsimasut akiliisitsinikkut Kalaallit Nunaanni Namminersorlutik Oqartusanut nuunneqarnissaat pillugu Naalakkersuisut communalbestyrelsik isumaqatigiissuteqarfinginnissinnaapput. Isumaqatigiissuteqarnerni nakkutigineqassaaq akiligassarineqartunut naliliunneqarsimasoq piviusorsiortuunersoq, tassa akiligassarineqartut ilaasa matussutissaqanngitsut nalikillilerneqarnissaanni

landskarsip annasassai eqqarsaatigalugit, aammalu qanoq annertutigisut akiligassalinnut akilersinniarneqarsinnaanerat naatsorsuutigineqarnersoq.

Kapitali 20

Aalajangersakkat atuutilersitsissutaasut ikaarsaarutaasullu

§ 89. Inatsisartut inatsisaat 1. januar 2007-imi atuutilissaq.

Imm. 2. Aningaasarsianit akileraarutit pillugit suliassat tamarmik inatsisip atuutilernera aallarnerfigalugu kommuniniit akileraaruseriffimmut nuussapput.

Imm. 3. Suliassat Naalakkersuisunut naammagittaalliuutigineqarsimasut aalajangiiffigivinneqarsimangitsut tamarmik inatsisip atuutilernera aallarnerfigalugu Akileraarusiinernik aalangiisartunut nuussapput, Akileraarusiinernik aalangiisartut suliassanik § 2 naapertorlugu aalajangiisinnassuseqarpat.

Imm. 4. Aningaasarsianit akileraarutit pillugit Inatsisartut inatsisaanni nr. 5, 19. maj 1979-imeersumi § 115, imm. 9 atuutiinnassaaq isumakkeerinissamik qinnuteqaatinut ulloq 1. januar 2007 nallertinnagu Akileraarusiinernik aalangiisartutimit tiguneqarsimasunut.

Imm. 5. § 46 nuussiernut atuuppoq 31. december 2002-p kingorna communalbestyrelsimit imaluunniit Akileraartarnermut Pisortaqarfimmut angussimasunut. Nuussinerit 1. januar 2003-p siorna communalbestyrelsinut imaluunniit Akileraartarnermut Pisortaqarfimmut angussimasut eqqarsaatigalugit, akileraaruseriffik 31. december 2007-ip kingorna nuussineq apeqqutaatinnagu tunniussisumut akiligassiisinnaavoq imaluunniit akileraarutinut akiliutaavallaarsimasut utertillugit akilerneqarnissaannut nuussisup piumasaqataanik tigusinermik nalunaaruteqarluni, akiligassiineq pisussaaffinnilluunniit tigusineq utertilluni akiliinissamut piffissarititaq sioqqullugu pisimappat.

Akileraaruserinermik ingerlatsineq pillugu Inatsisartut inatsisaata allanngortinneqarneranik Inatsisartut inatsisaat nr. 3, 26. april 2007-imeersoq (Skatterådip kalaallisut taaguusernerata allanngortinnera)^[1] piffissaq atuutilerfissaq pillugu aalajangersakkamik imaattumik imaqrpoq:

§ 2

Inatsisartut inatsisaat atortuulerpoq ulloq 1. juli 2007.

Akileraaruserinermik ingerlatsineq pillugu Inatsisartut inatsisaata allanngortinnera pillugu Inatsisartut peqqussutaat nr. 12, 15. november 2007-imeersoq (Aappariinnik ataatsimut akileraarusersuinerup atorunnaarnera naqerrikkamillu namminneerlunilu nalunaarusiorneq)^[2] piffissaq atuutilerfissaq pillugu aalajangersakkamik imaattumik imaqrpoq:

§ 2

Inatsisartut inatsisaat 1. december 2007-imí atuutilerpoq.

Imm. 2. Inatsisartut inatsisaani § 1, nr. 1, 1. januar 2008-mi atuutilerpoq.

Imm. 3. Inatsisartut inatsisaanni § 1, nr. 8, pisassarisanut 31. december 2007-ip kingornatigut akiligassanngortussanut atuuttuuvoq.

Inatsisartut inatsisaat nr. 10, 5. december 2008-imeersoq. (Akuersisummit peqartut akileraarutaasa ilaasa aggunarnerat)^[3] piffissaq atuutilerfissaq pillugu aalajangersakkamik imaattumik imaqarpoq:

§ 2

Inatsit 1. januar 2009-mi atortuulerpoq

Inatsisartut inatsisaat nr. 2, 18. maj 2010-meersoq (Akileraarpallaarutinut utertoorutisianit erniat apparinneqarnerat)^[4] piffissaq atuutilerfissaq pillugu aalajangersakkamik imaattumik imaqarpoq:

§ 2

Inatsit atuutilissaaq 1. juni 2010.

Imm. 2. Inatsisissatut siunnersuummi § 1, nr. 1, ukiumi aningaasarsiorfiusumi 2009-mi akileraarpallaarutinut utertoorutisianut atuutissaaq.

Inatsisartut inatsisaat nr. 14, 22. november 2011-imeersoq (Akileraarutit sippuutaannit ilanngaassisinnaaneq pillugu erseqqissaaneq)^[5] piffissaq atuutilerfissaq pillugu aalajangersakkamik imaattumik imaqarpoq:

§ 2

Inatsisartut inatsisaat 1. december 2011-mi atuutilissaaq.

Inatsisartut inatsisaat nr. 9, 8. juni 2014-imeersoq (Nammineerluni nalunaarsuut kingusinaartumik nassiunneqartillugu akileraarutissanut qaffaassutissap allanngortinneqarnera. Akileraarutit pilligit paassisutissanik nunallu allat paarlaateqatigiittarnissaq.)^[6] piffissaq atuutilerfissaq pillugu aalajangersakkamik imaattumik imaqarpoq:

§ 2

Inatsisartut inatsisaanni § 1, nr. 1 atuutilissaaq 1. januar 2015-imi.

Imm. 2. 2014-imut nammineerluni nalunaarsuutit 2015-imi nassiunneqartussat Inatsisartut inatsisaanni pineqartunut ilaassapput.

Imm. 3. Inatsisartut inatsisaanni § 1, nr. 2 atuutilissaaq 1. juli 2014-imi.

Inatsisartut inatsisaat nr. 8, 6. Juni 2016-imeersoq (Soraarnerussutisiaqarnissamut aaqqissuussinernik nunanut allanut nuussineq)^[7] piffissaq atuutilerfissaq pillugu aalajangersakkamik imaattumik imaqarpoq:

§ 2

Inatsisartut inatsisaat 1. juli 2016-imi atortuulissaaq.

Inatsisartut inatsisissaat nr. 32, 28. november 2016-imeersoq (Nammineerluni nalunaarsuinissamut piffissarititaasumik, kiisalu nunani allani akileraartarnermi oqartussaasunut paasissutissanik tunniussisarnerit pillugit ilisimatitsisussaatitaaneq, taamatullu aningaaserivimmi kontumik tunniussisussaatitaaneq aammalu soraarnerussutisanut tunngasunik paasissutissanik nalunaarsuineq pillugit allanguineq)^[8] piffissaq atuutilerfissaq pillugu aalajangersakkamik imaattumik imaqarpoq:

§ 2

Inatsisartut inatsisaat 2017-mi januaarip 1-ani atuutilerpoq.

Imm. 2. Inatsisartulli inatsisaanni § 1, nr. 5-imut 7-imut ulloq 1. januar 2018-imi aatsaat atuutilissapput.

Inatsisartut inatsisaat nr. 11, 1. juni 2017-imeersoq (Akileraaruseriffiup aamma Naalakkersuisut oqartussaaffinik agguataarineq il.il.)^[9] piffissaq atuutilerfissaq pillugu aalajangersakkamik imaattumik imaqarpoq:

§ 2

Inatsisartut inatsisaat ulloq 1. januar 2018 atortuulissaaq.

Inatsisartut inatsisaat nr. 38, 28. november 2019-imeersoq (Uppernarsaatinik piffissami killilimmi paarinnittusaatitaanerup sivitsorneqarnera kiisalu illuutinik aalaakkaasunik attartortitsinernik kiisalu najukkani kalaalimineerniarfinni tuniniaanernik sullissinerit pillugit paasissutissanik nalunaarutiginnittarneq)^[10] piffissaq atuutilerfissaq pillugu aalajangersakkamik imaattumik imaqarpoq:

§ 2

Inatsisartut inatsisaat ulloq 1. januar 2020 atuutilissaaq.

Aningaasaqarnermik Naalakkersuisoqarfik, ulloq 1. november 2021

Nikolai Sten Christensen
Pisortaq

/ Morten Wenzel Selvejer

- [1] Inatsisip allannguutaa inatsisip kalaallisuata oqaasertaanut tamanut attuumassuteqarpoq.
- [2] Inatsisip allannguutaa § 10, § 16, imm. 3-5, § 30, imm. 1, nr. 4, § 33a, § 33b, § 33c, § 33d, § 35, § 38 aamma § 40, imm. 9-mut attuumassuteqarpoq.
- [3] Inatsisip allannguutaa § 40, imm. 5-imut attuumassuteqarpoq.
- [4] Inatsisip allannguutaa § 25, imm. 2 aamma § 74, imm. 2-3 kiisalu inatsimmut tamarmut attuumassuteqarpoq.
- [5] Inatsisip allannguutaa § 25, imm. 7-imut attuumassuteqarpoq.
- [6] Inatsisip allannguutaa § 19, imm. 1-2 aamma § 35a-mut attuumassuteqarpoq.
- [7] Inatsisip allannguutaa § 40, imm. 8-mut attuumassuteqarpoq.
- [8] Inatsisip allannguutaa § 3, imm. 1-imi oqaaseqatigiinnut siullernut, § 16, imm. 3-5, § 30, imm. 1, nr. 1, § 30a, § 34a, § 35a, imm. 7-8, § 41, imm. 1 aamma § 46a-mut attuumassuteqarpoq.
- [9] Inatsisip allannguutaa § 18a, § 25, imm. 4, § 25, imm. 5-imi oqaaseqatigiit pingajuannut, § 39, imm. 1 aamma § 76 a-mut attuumassuteqarpoq.
- [10] Inatsisip allannguutaa § 18, imm. 4, § 33e aamma § 33f-imut attuumassuteqarpoq.

Namminersorlutik Oqartussat

Imaneq 4
3900 Nuuk
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut